

校正箋註蒙求

上

風陵文庫
文庫19
F 171
1



西播岡白駒先生箋註

校正

箋註蒙求

浪華

合書堂藏梓

校訂箋註蒙求序



以足為不足則有所不足。以不足為足則有所足也。李子始著蒙求而僂董蒙以為足。徐子以為有所不足而為之補。註以為足。然後傳至我邦。宇津宮氏以為有所不足而為之詳說。其行於世。服部氏削繁雜定異同以為足。此曰新

刻。岡氏以為有所不足。据本書從舊文。而更撰箋註。亦甚行於世。頃或請之。校正。余時含杜康入佳境。故不論足與不足。聽之。請校正已成。授之。顧校正之於箋註。固不足有補。亦特僂童蒙云爾。庚午三年嘉平月中澣。

東 固碩撰

薦作句切進也。蒙莫紅。

薦蒙求表

饒州刺史李良上表

切音濛蒙者微昧闇弱之名。求音表索也。表下言於上。良表蔡邕獨斷表者。不需頭上言。臣某下言。臣某誠惶誠恐頓首。

饒州禹貢揚州之域。春秋時楚東境也。刺史漢初置。掌奉詔條察州。此序大段五小段。四或曰七節。

臣良言。臣聞建官擇賢。其來有素。抗表薦士。義或可稱。爰自宗周。逮茲炎漢。競徵茂異。咸重儒術。竊見臣境內寄任。客前信州司馬倉參軍李瀚。學藝淹通。理識精究。撰古人狀跡。編成音韻。屬對類事。無非典實。名曰蒙求。約三千言。注下轉相敷演。向萬餘事。瀚家兒童三數歲者。皆善諷誦。談古策事。無減鴻儒。不素諳知。謂疑神遇。司封員外郎李華。當代文宗。名望夙著。與作序云。不出卷而知天下。豈其蒙求哉。漢朝王子淵製洞簫賦。漢帝美其文。令宮人誦習。近代周興嗣撰千字文。亦頒行天下。

書武成曰
建官惟賢

素音訴本也
批音仇舉

也、稱處陵
切揚也謂也

宗周錫京
也、按周天子

國諸夏宗之
故謂宗周

炎漢漢以火
德王、故曰炎

漢、徵召也
茂異、茂才

異等也、儒
學者之稱儒

之言優也和
也、言能安人

能服人也、
術音述、遺業

豈若蒙求哉。錯綜經史。隨便訓釋。童子則固多弘

益。老成亦頗覽起予。臣屬忝宗枝。職備藩扞。每廣

聽遠視採異訪。竒未嘗遺一才。蔽片善有可甄錄。

不敢不具狀聞奏。陛下察臣丹誠。廣達四聰之義。

令瀚志學。開獎善之門。伏願量授一職。微示勸誠。

臣良誠惶誠恐頓首頓首謹言。天寶五年八月一

日。饒州刺史李良上表。

蒙求序

安平李瀚著蒙求一篇。列古人言行美惡。參之聲

律。以授幼童。隨而釋之。比其終始。則經史百家之

要。十得其四五矣。推而引之。源而流之。易於諷誦。

形於章句。不出卷知天下。其蒙求哉。周易有童蒙

求我之義。李公子以其文碎。不敢輕傳。達識者所

務訓蒙而已。故以蒙求為名。題其首。亦每行注兩

句人名。外傳中有別事可記者。亦此附叙之。雖不

配上文。所資廣博。從切韻東字起。每韻四字。凡五

百九十六句云爾。

子光序

前言往行。載在經史。炳若丹青。然簡編浩博。未易

研究。非真積力久。莫能撮其要。唐李瀚搜羅載籍。

采古人行事。著為蒙求。揣議聲韻。以類折偶。剪剔

煩蕪。掇擷精英。事跡粲然。斑斑可攷。其於屬辭備

也、司馬刺

史帶將軍開

府者置府寮

司馬為軍府

之官、理軍事

倉容重蓋

至倉庫、淹

音醜漬也

音韻用韻字

參之聲律也

屬音燭連

也、對配也

典實典故

事實也、演

音衍延也

諷誦倍文曰

諷以聲節之

曰誦共闡讀

也、策楚革

切籌也、謀也

神遇詳說
曰神依託人
司封郎中
一人掌封爵
里之族族及
諸親內外命
婦告即及道
師女冠等
員外郎謂本
員之外復置
郎也當代
指唐朝避天
宗諱故以世
為代 文宗
文章之宗主
也 名望名
聞人望也
夙音宿早
也 玉褒字
子淵前漢蜀

閱不為無補矣。然鮮究本根。類多舛訛。覽者病焉。豈瀚之所載。然歟。抑亦後世傳襲之誤也。予嘗嘉其用意。而惜其未備。於是漁獵史傳。旁求百家。窮本探源。摭華食實。大抵傳記無見。而語淺謬妄者。就加是正。至於載籍之中。間有故實。可以槩舉者。仍撮其一二。大者附焉。度幾照然。若日星之麗天。煥然可觀。命曰補注。將以備遺忘。而助討論。不亦文範之捷徑。與時已酉仲冬之月辛卯吉日。徐子光序。

人 洞簫賦見文選蕭肅也。洞通也。言其管相通。其聲蕭肅。故曰洞簫。漢元帝諱奭。周興嗣字思恭。蔡梁陳郡項人。頌補選切。布也。錯綜錯者交而互之。綜者總而挈之。經史經尚書論語之類。史記漢書之類。便利也。老成言老而有成德。頗普火切。少也。差多為頗多。起予論語八佾篇語。言能發明我意也。屬珠玉切。眷屬也。宗枝宗君也。枝已也。猶謂同姓未屬。藩藩籬也。扞衛也。蔽必弊切。遮蓋也。甄之人切。又經天切。察也。錄記也。陛下階也。天子必有近臣。執兵陣于陛側。謂之陛下者。因卑達尊之意也。丹誠赤心也。四聰書經舜典。明四目達四聰。廣四方之視聽。將子兩切。勸也。譽也。勸獎也。言勸善。誠與戒同。言誠惡。頓首拜頭叩地也。天寶唐第七主。明皇年號。

序者舒也。叙也。舒展已意。以次叙經傳之義。述已作註之意。故謂之序也。詳說本有趙郡李華四字。趙郡春秋屬晉。李華字遐叔。趙州贊皇人。此序詳說本分為二。聲律官商角徵羽謂之五聲。黃鍾大簇姑洗蕤賓無射夷則謂之六律。幼童曲禮曰。人生十年曰幼。字彙男十五以下謂之童子。童獨也。言未有室家也。釋註解也。比校也。百家指諸子以下言。要以一管眾為要。章句意斷處曰章。言斷處曰句。周易以下詳說曰先輩。曰此序李瀚自序也。李公子之公衍字一本無公字。子男子通稱也。李子瀚自言也。一說曰。別人之序也。然序中有謙辭。當以自序為正。李公子指李瀚。周易周代名也。易書名也。碎蘊對切。細破也。達識者。知識通達者。每行王戎簡要。裴楷清通。是也。注兩句人名。引本書釋解者是也。外詳說屬下句。配合也。切韻兩字相摩。以成聲韻謂之切。東東韻云。爾者無他之詞。前言往行。易大畜象曰。君子以多識前言往行。以畜美德。炳補永切。明也。炳若丹青語。

見揚子法言君子篇。簡竹簡也。古未有紙。載文于簡。謂之簡札。編所以聯次簡也。浩博廣大也。研倪堅切。確也。究居又切。盡也。積乃荀子勸學篇。積力久則入。撮倉括切。取也。孔安國尚書序曰。撮其機要。搜疎鳩切。求也。索也。羅網也。載籍部書也。左傳杜預序曰。躬覽載籍。揣楚委切。度也。聲韻平上去入四聲韻字。折隅斷對也。剪子淺切。剔也。歷切。齊斷也。煩不簡也。蕪穢也。拈蒲侯切。拈也。擬胡結切。持取也。精鑿也。凡物之純至者。皆曰精。英華也。粲食晏切。明也。班班有次序貌。攷同考。屬辭禮記經解篇曰。屬辭比事。春秋教也。屬謂綴輯之也。閱欲雪切。檢視也。類比也。舛尺亮切。錯也。訛吾木切。謬也。抑反語辭。襲席入切。因也。漁獵易序例。漁獵墳典。漁獵猶涉獵。博覽曰涉獵。涉度永也。獵捕趕獸也。書記者遍若度水登山。獵獸無處不到。但不能精詳。披之石切。拾也。謬靡如切。差誤也。妄誕也。是正。從是改正之也。後漢書安帝記。詔五經博士。是正文字。故實故事之是者。槩音溉。平斗斛木大率也。撥都奪切。採也。拾也。煥呼玩切。光明也。遺亡也。失也。討論論語憲問篇曰。世叔討論之。討尋究也。論講議也。範法也。式也。捷徑捷邪出也。徑小路也。一本。徐上有光祿大夫行右散騎侍郎十字。

校正蒙求例子

一李瀚蒙求。纂古人言行美惡。蓋叙列其事實類者。兩兩相比。以韻語。舉其標題。使易諷誦而記。徐子光補注。補其所不詳。舊本多誤謬。近歲新刻本。稱改正焉。而十纔一二耳。今據本書。悉是正其誤謬。字譌舛。然經史子集正文。非童蒙之所易解也。故為之箋注。以便童蒙。

一史漢有各家注。取其切乎事。字義脗合者。如漢書多取顏注。是也。

一蒙求所纂。有出於正史之外者。如謝承後漢書。王

新刻本。服部惟喬定其父元喬校。

史記前漢司馬遷字長孫。漢書後漢班固字孟堅。撰唐顏師古註。

世說新語宋
臨川王義慶
著孫劉孝標
註

文獻通考元
馬端臨撰

岡氏名白駒
字千里號龍
洲播磨人

隱晉書其事多見于世說劉義慶注新刻本據世
說注刪落舊本文殊不知世說取風旨於片言隻
語故所引證亦掇其要簡省其事蒙求則事實詳
為王李良所謂注下敷演者即是已豈可刪落哉
今仍舊本補之以復其舊

一新刻本考例云文獻通考藝文部載蒙求三卷按
文獻通考無藝文部經籍考小學部載蒙求是目
未睹其書而杜撰引證其所考亦可知已

岡白駒識

校正蒙求卷上標題

平聲東韻	一 王戎簡要	裴楷清通	孔明臥龍	呂望非熊
上聲夔韻	二 楊震關西	丁寬易東	謝安高潔	王導公忠
平聲歌韻	三 匡衡鑿壁	孫敬閉戶	邛都蒼鷹	甯成乳虎
去聲泰韻	四 周嵩狼抗	梁冀跋扈	郝超鬚參	王珣短簿
平聲支韻	五 伏波標柱	博望尋河	李陵初詩	田橫感歌
入聲陌韻	六 武仲不休	士衡患多	桓譚非讖	王商止訛
	七 嵇呂命駕	程孔傾蓋	劇孟一敵	周處三害
	八 胡廣補闕	袁安倚賴	黃霸政殊	梁習治最
	九 墨子悲絲	揚朱泣岐	朱博烏集	蕭芝雉隨
	十 杜后生齒	靈王出髀	賈誼忌鵬	莊周畏犧
	十一 燕昭築臺	鄭莊置驛	瓘靖二妙	岳湛連璧
	十二 郤詵一枝	戴憑重席	鄒陽長裾	王符絳掖

平聲刪韻

鳴鶴日下 士龍雲間 去 晉宜狼顧 漢祖龍顏

上聲蒸韻

鮑靚記井 羊祐識環 去 仲容青雲 叔夜玉山

平聲魚韻

毛義奉檄 子路負米 去 江革巨孝 王覽友悌

平聲蕭韻

蕭何定律 叔孫制禮 去 葛豐刺舉 息躬歷詆

去聲翰韻

管寧割席 和嶠專車 平 時苗留犢 羊續懸魚

平聲陽韻

樊噲排闥 辛毘引裾 平 孫楚漱石 郝隆曬書

入聲沃韻

枚臯詣闕 充國自贊 平 王衍風鑒 許劭月旦

平聲尤韻

賀循儒宗 孫綽才冠 平 太叔辯洽 摯仲辭翰

平聲尤韻

山濤識量 毛玠公方 平 袁盎卻坐 衛瓘撫牀

入聲沃韻

于公高門 曹參趣裝 平 庶女振風 鄒衍降霜

平聲尤韻

范丹生塵 晏嬰脫粟 平 詰汾興魏 鼈令王蜀

平聲尤韻

不疑誣金 卞和泣玉 平 檀卿沐猴 謝尚鳴鶴

平聲尤韻

泰初日月 李野陽秋 平 荀陳德星 李郭仙舟

上聲語韻

王忱繡被 張氏銅鈎 平 丁公遠戮 雍齒先侯

平聲先韻

陳雷膠漆 范張雞黍 平 周侯山嶽 會稽霞舉

平聲先韻

季布一諾 阮瞻三語 平 郭文遊山 袁宏泊渚

去聲宥韻

黃琬對日 秦宓論天 平 孟軻養素 揚雄艸玄

平聲微韻

向秀聞笛 伯牙絕絃 平 郭槐自屈 南康猶憐

平聲微韻

魯恭馴雉 宋均去獸 平 廣容蛇影 殷師牛鬪

入聲質韻

元禮模楷 李彥領袖 平 魯褒錢神 崔烈銅臭

平聲蕭韻

梁竦廟食 趙溫雄飛 平 枚乘蒲輪 鄭均白衣

平聲蕭韻

陵母伏劍 軻親斷機 平 齊后破環 謝女解圍

平聲蕭韻

鑿齒尺牘 荀勗音律 平 胡威推練 陸績懷橘

平聲蕭韻

羅含吞鳥 江淹夢筆 平 李廐清貞 劉麟高率

平聲蕭韻

蔣詡三逕 許由一瓢 平 揚僕移關 杜預建橋

平聲蕭韻

壽王議鼎 杜林駁堯 平 西施捧心 孫壽折腰

上聲皓韻

靈輒扶輪 魏顥結州 逸少傾寫 平子絕倒

平聲齊韻

澹臺毀壁 子罕辭寶 東平為善 司馬稱好

平聲齊韻

公超露市 魯般雲梯 田單火牛 江迥蕪雞

去聲隊韻

蔡裔隕盜 張遼止啼 陳平多轍 李廣成蹊

平聲元韻

陳遵投轄 山簡倒載 淵客泣珠 交甫解佩

平聲元韻

龔勝不屈 孫寶自効 呂安題鳳 子猷尋戴

入聲職韻

董宜疆項 翟璜直言 紀昌貫虱 養由號猿

平聲青韻

馮衍歸里 張昭塞門 蕪韶鬼靈 盧充幽婚

平聲青韻

張湯巧詆 杜周深刻 三王尹京 二鮑糾慝

孫康映雪 車胤聚螢 李克四部 井春五經

校正蒙求卷中標題 顧愷丹青 戴逵破琴 謝敷應星

去聲馬韻

阮宜杖頭 畢卓甕下 文伯羞鼈 孟宗寄鮓

平聲冬韻

史丹青蒲 張湛白馬 隱之感鄰 王脩輟社

去聲寘韻

阮放八雋 江泉四凶 華歆忤旨 陳羣蹙容

去聲寘韻

王濬懸刀 丁固生松 姜維膽斗 盧植音鐘

去聲寘韻

桓温奇骨 鄧艾大志 楊脩捷對 羅友默記

平聲佳韻

杜康造酒 蒼頡制字 樗里智囊 邊韶經笥

平聲佳韻

滕公佳城 王果石崖 買妻耻醮 澤室犯齋

入聲屑韻

馬后大練 孟光荆釵 顏叔秉燭 宋弘不諧

入聲屑韻

鄧通銅山 郭況金穴 秦彭攀轅 侯霸臥轍

平聲侵韻

淳于炙輶 彦國吐屑 太真玉臺 武子金埒

平聲侵韻

巫馬戴星 宓賤彈琴 郝廉留錢 雷義送金

上聲銑韻

逢萌挂冠 胡昭投簪 王喬雙鳧 華佗五禽

上聲銑韻

程邈隸書 史籀大篆 王承魚盜 丙吉牛喘

優旃滑稽 落下歷數 曼容自免 子平畢娶

入聲屬韻 師曠清耳 離婁明目 仲文照鏡 臨江折軸

樂已喫酒 偃師舞木 德潤傭書 君平賣卜

平聲庚韻 叔寶玉潤 彥輔水清 衛后鬢髮 飛燕體輕

玄石沈湎 劉伶解醒 趙勝謝燮 楚莊絕纓

上聲有韻 惡來多力 蜚廉善走 趙孟疵面 田駢天口

張憑理窟 裴頠談數 仲宣獨步 子建八斗

去聲靈韻 廣漢鉤距 弘羊心計 衛青拜碁 去病辭第

酈寄賣友 紀信詐帝 濟叔不癡 周兄無慧

合聲葉韻 虞卿擔簦 蘇章負笈 南風擲孕 商受斯涉

合聲古通用 校正蒙求卷下標題

廣德從橋 君章拒獵 一應奉五行 安世三篋

平聲虞韻 相如題柱 終軍棄繻 孫晨藁席 原憲桑樞

上聲養韻 端木辭金 鍾離委珠 季札挂劍 徐穉置芻

朱雲折檻 申屠斷鞅 衛玠羊車 王恭鶴氅

去聲號韻 管仲隨馬 倉舒稱象 丁蘭刻木 伯瑜泣杖

陳遼豪爽 田方簡傲 黃向訪主 陳寔遺盜

入聲藥韻 龐儉鑿井 陰方祀竈 韓壽竊香 王濛市帽

勾踐投醪 陸抗嘗藥 孔愉放龜 張顥墜鵲

平聲豪韻 田豫儉素 李恂清約 義縱攻剽 周陽暴虐

孟陽擲瓦 賈氏如皋 顏回簞瓢 仲蔚蓬蒿

上聲寢韻 麋竺收資 桓景登高 雷煥送劍 呂虔佩刀

老萊斑衣 黃香扇枕 王祥守柩 蔡順分椹

淮南食時 左思十稔 劉惔傾釀 孝伯痛飲

去聲寘韻 女媧補天 長房縮地 季珪士首 安國國器

陸玩無人 賈詡非次 何晏神伏 郭奕心醉

入聲陌韻

常林帶經 高鳳漂麥 孟嘉落帽 庾鼓隨憤

平聲支韻

龍逢版出 張華台坼 董奉活爨 扁鵲起虢

上聲皆韻

寇恂借一 何武去思 韓子孤憤 梁鴻五噫

去聲御韻

蔡琰辨琴 王粲覆棊 西門投巫 何謙焚祠

入聲合韻

孟嘗還珠 劉昆反火 姜肱其被 孔融讓果

平聲先韻

端康相代 亮陟隔坐 趙倫癩怪 梁孝牛禍

入聲梗韻

桓典避馬 王尊叱馭 鼉錯峭直 趙禹廉倨

平聲尤韻

亮遺巾幘 備失匕箸 張翰適意 陶潛歸去

入聲月韻

魏儲南館 漢相東閣 楚元置醴 陳蕃下榻

上聲阮韻

廣利泉涌 王霸冰合 孔融坐滿 鄭崇門雜

入聲真韻

張堪折轅 周鎮漏船 郭伋竹馬 劉寬蒲鞭

平聲支韻

許史侯盛 韋平相延 雍伯種玉 黃尋飛錢

入聲月韻

王允千里 黃憲萬頃 虞駿才望 戴淵蜂類

上聲阮韻

史魚黜殯 子囊城郢 戴封積薪 耿恭拜井

平聲江韻

汲黯開倉 馮煖折券 齊景駟千 何曾食萬

入聲月韻

顧榮錫炙 田文比飯 稚珪蛙鳴 彥倫鶴怨

上聲紙韻

廉頗負荆 須賈擢髮 孔翊絕書 申嘉私謁

去聲曠韻

淵明把菊 真長望月 子房取履 釋之結鞅

入聲藥韻

郭丹約關 祖逖誓江 賈逵問事 許慎無雙

上聲紙韻

婁敬和親 白起坑降 蕭史風臺 宋宗雞窻

去聲曠韻

王陽囊衣 馬援薏苡 劉整交質 五倫十起

入聲藥韻

張敞畫眉 謝鯤折齒 盛彥感螭 姜詩躍鯉

去聲曠韻

宗資主諾 成瑨坐嘯 伯成辭耕 嚴陵去釣

入聲藥韻

董遇三餘 譙周獨笑 將閭仰天 王陵呼廟

入聲藥韻

二疏散金 陸賈分橐 慈明八龍 禰衡一鷄

入聲藥韻

不占殞車 子雲投閣 魏舒堂堂 周舍鄂鄂

平聲蒸韻 無鹽如漆 姑射若水 邾子投火 王思怒蠅

上聲潛韻 符朗皂白 易牙溜澗 周勃織薄 灌嬰販繒

馬良白眉 阮籍青眼 黥布開關 張良燒棧

陳遺飯感 陶侃酒限 楚昭萍實 東哲竹簡

去聲遇韻 曼債三冬 陳思七步 劉寵一錢 廉范五袴

汜毓字孤 郝鑿吐哺 荀弟轉酷 嚴母掃墓

入聲錫韻 洪喬擲水 陳泰挂壁 王述忿狷 荀粲惑溺

宋女愈謹 敬姜猶績 鮑照篇翰 陳琳書檄

平聲先韻 浩浩萬古 不可備甄 艾煩接華 爾曹勉旃

標題徐狀元補注蒙求卷上

岡白駒箋註

東 固碩校

王戎簡要

裴楷清通

列傳

裴楷字叔則河東聞喜人明悟有識量少與我齊名鍾會

輒過視我良久然後出謂渾曰濬沖清賞可賞非卿倫也共卿言

不如共阿戎談如阿戎阿妹阿大郎人歷官至司徒

晉裴楷字叔則河東聞喜人明悟有識量少與我齊名鍾會

薦於文帝追稱也辟相國掾有掾有正曰掾副曰史及吏部郎

缺吏部郎主選舉選能整帝問鍾會曰裴楷清通能通而王戎簡要

有要皆其選也於是用楷楷風神高邁過也風采容儀俊爽博

涉羣書特精理義魏晉時謂老易之義也時謂之玉人又稱見叔

涉羣書特精理義魏晉時謂老易之義也時謂之玉人又稱見叔

五列傳

則如近玉山照映人也轉中書郎出入官省省禁見者肅然改容武帝登祚探策以卜世數多少既而得一不悅世說云王者世群臣失色楷曰臣聞天得一以清地得一以寧王侯得一以為天下數繫此多少貞此老帝大悅累遷中書令侍中

孔明臥龍 呂望非熊

卷五

蜀志諸葛亮字孔明琅邪陽都人躬耕隴畝龍與好為梁父吟晏子謀殺三子事見于晏春秋梁父城名齊城門蓋此城之門辭曰步出齊城門遙望蕩陰里里有三墳壘壘正相似問是誰家塚田疆古治氏力能排南山又絕地理一朝每自比管仲樂毅被讒言二挑殺三子誰能為此謀相國齊晏子時人莫之許惟崔州平徐庶與亮友善謂為信然時先主備屯新野徐庶見之謂曰諸葛孔明臥龍也言起必將軍豈願見之乎軍將稱劉此人可就見不可屈致劉備曰君與宜枉駕顧之先主遂詣亮凡三往乃見因屏人與計事善之於是情好日密關羽張飛等不悅先主曰孤之有孔明王侯自猶魚之有水也願勿復言及稱

尊號帝位以亮為丞相漢晉春秋曰亮家南陽鄧縣襄陽城西號曰隆中隆中山名六韜曰文王將田史編布卜曰田於渭陽將大得焉非龍非虺龍與虺同有角非虎非羆羆熊屬兆得公侯天遺汝師以之佐昌昌文王名施及三王文王武王成王文王曰兆致是乎遂能至此乎史編曰編之太祖史疇為舜舊本作禹誤六韜作舜今從之占得臯陶兆比於此文王乃齊三日田於渭陽卒見太公坐茅以漁文王勞而問之勞乃載與歸立為師舊本非熊作非羆通熊東忠叶韻若作疑流俗承誤後世莫知是正耳從是改後漢崔駰達旨辭曰或以漁父見兆於元龜漢父謂注云西伯出獵卜之曰所獲非龍非虺非熊非羆所獲霸王之輔所謂非熊蓋本諸此

四四列十傳

楊震關西 丁寬易東

後漢楊震字伯起弘農華陰人少好學明經博覽無不窮究諸儒為之語曰關西孔子楊伯起關函常客居於湖不答州郡禮命數

十年眾謂之晚暮。任官暮而志愈篤。後有鸛雀。鸛雀大如鶴，銜三鱸

魚飛集講堂前。後漢書注：鱸鱣古字通。鱸黃，都講取魚進。曰：學舍

講蛇鱸者，卿大夫服之象也。數三者，法三台也。三台，三公也。後漢

先生自此升矣。年五十乃始仕州郡。安帝時為太尉。

前漢丁寬字子襄，梁人。初梁項生從田何受易，時寬為項生從者。

讀易精敏，材過項生。遂事何，學成東歸。何謂門人曰：易已東矣，寬

復從周王孫受古義，號周氏傳。景帝時為梁孝王將軍，作易說三

萬言，訓詁舉太誼而已。顏師古曰：詁，謂

謝安高潔 王導八忠

晉書謝安字安石，陳國陽夏人。年四歲，桓彝見而嘆曰：此兒風神

秀徹，後當不減王東海。王導亦深器之。器有用，由是少有重名。

初辟除官，並以疾辭。有司奏安被召，歷年不至，禁錮終身。禁錮，

遊賞必以妓女從。時弟萬為西中郎將，總藩任之重。萬與安雖處

衡門，隱者之居，謂名出其右。有公輔望。公也。三年四十餘始有仕志。

征西大將軍桓溫請為司馬，朝士咸送中丞高崧戲之曰：卿屢違

朝旨，高臥東山，諸人每相與言安石不肯出，將如蒼生何。蒼生謂

今蒼生亦將如卿何。安有愧色。後拜吏部尚書。時孝武立政不自

已。政不由桓溫威振內外，安盡忠匡翼，終能輯穆。穆和進中書監

錄尚書事。苻堅率眾次淮肥，加安征討大都督。既破堅，以總統功

進太保，薨，贈太傅，諡文靖。

晉王導字茂弘，光祿大夫覽之孫。少有風鑒。謂有知人之識，風，識

量清遠。陳留高士張公見而奇之，謂其從兄敦曰：此兒容貌志氣

將相之器也。元帝為琅邪王，與導素相親善。導知天下已亂，遂傾

心推奉，潛有興復之志。帝亦雅相器重。器重之會帝出鎮下邳，請導

為安東司馬。帝為安東將軍，請導為軍謀密策，知無不為。帝常謂

八五列十傳

七四列十傳

五三列十傳

曰卿吾之蕭何也累遷中書監錄尚書事及帝登尊號百官陪列

匡衡擊壁 孫敬閉戶

前漢匡衡字稚圭東海承人父世農夫至衡好學家貧庸

作以供資用師古曰庸作言責功庸尤精力過絕人諸儒為之語

曰無說詩匡鼎來鼎方也匡說詩解人頤如淳曰使人射策甲科

師古曰射策者謂為難問疑義書之於策量其大小署為甲乙之

科列而置之不使彰顯有欲射者隨其所取得而釋之以知優劣

也與對策射元帝時為丞相西京雜記曰衡勤學無燭鄰舍有燭

而不逮衡乃穿壁引其光而讀之邑大姓文不識姓名家富多

書衡乃與其客作備工曰而不求償償酬報也言願得書遍讀之

鄧都倉鷹 甯成乳虎

前漢鄧都河東大陽人景帝時為中郎將敢直諫面折大臣於朝

面折直指遷中尉是時民撲畏罪自重犯法身不而都獨先嚴酷致

行法不避貴戚列侯宗室見都皆側目而視正視號曰蒼鷹師古

其擊拜鴈門太守匈奴素聞都節舉邊為引去竟都死又近鴈

門匈奴至為偶人象都師古曰以木為令騎馳射莫能中其見憚

如此匈奴患之竇太后乃中都以為漢法卒斬之搆成罪以

前漢甯成南陽穰人以郎謁者事景帝好氣好俠為小吏必陵其

長吏為人上操下急如束師古曰操執持也束溼為中尉其

治効邳都其廉弗如武帝即位徙為內史外戚多毀其短抵罪後

上欲以為郡守公孫弘曰臣為小吏時成為濟南都尉其治如狼

牧羊不可使治民上乃拜為關都尉歲餘關東吏隸郡國出入關

五列十傳

十傳六

百上

者號曰寧見乳虎虎乳養子則搏甚過常無值寧成之怒其暴如此

周嵩狼抗 梁冀跋扈

一三列傳

晉書周嵩字仲智兄顛字伯仁汝南安成人中興時元帝渡江顛等並列貴位嘗冬至置酒其母舉觴賜三子曰吾本渡江託足無所不謂爾等並貴列吾目前吾復何憂嵩起曰恐不如尊旨伯仁志大而才短名重而識闇好乘人之弊非自全之道嵩性抗直言不撓亦不容於世唯阿奴碌碌一作錄錄庸也當在阿母目下耳阿奴嵩弟謨小字也後顛嵩並為王敦所害謨歷侍中護軍世說抗直作狼抗狼抗如豺狼抗打也晉書周顛傳處仲剛復強忍恨也狼抗無上處仲王敦字也

二四列傳

後漢梁冀字伯卓褒親愍侯球之曾孫為久高肩豺目後漢書注肩上球也豺目豎也洞精瞠眇洞通也瞠直視也眇合也口吟舌言注謂語吃拜大將軍侈暴滋甚冲帝崩冀立質帝少聰惠惠通知冀驕橫嘗朝羣

臣目冀曰此跋扈將軍也注跋扈猶強梁也冀聞深惡之遂鳩殺復立桓帝而枉害大尉李固杜喬杜免海內嗟懼其四方調發民賦歲時貢獻皆先輸上第於冀注上第第一也乘輿乃其次焉乘輿稱天子一門前後七封侯封侯者七人三皇后六貴人二將軍在位二十餘年窮極滿盛威行內外百僚側目百僚百官也莫敢違命天子恭已謂無為不得有所親豫帝既不平之後發怒誅冀中外宗親無長少皆奔市他連及公卿列校諸校尉刺史二千石以者數十人故吏賓客免黜者三百餘人朝廷為空收冀財貨三十餘萬以充王府用減天下稅租之半

郝超髯參 王珣短簿

七三列傳

晉書郝超字景興大尉鑿之孫少卓犖不羈卓犖超越也羈絆也有曠世之度曠遠也久也度度量也善談論義理精微大司馬桓温辟為參軍温英氣高邁罕有所推與超言常謂不能測遂傾意

三列傳

禮待超亦深自結納時王珣為溫主簿亦為溫所重府中語曰髯參軍短主簿能令公喜能令公怒超髯珣短故也

晉王珣字元琳丞相導之孫弱冠二十與謝玄為溫掾溫嘗謂之曰謝掾年四十必擁旌杖節藩鎮州牧之任王掾當作黑頭公壯年而當

皆未易才也未易得才也孝武時為僕射領吏部帝雅好典籍以才學文章見昵昵親也夢人以大筆如掾與之既覺語人曰此當有大手

筆事俄而帝崩哀冊謚議哀冊遷梓宮文皆珣所草玄字幼度少穎悟為叔父安所器重安嘗戒約子姪因曰子弟亦何預人事爾之佳自爾事耳本

非預人之事人者而正欲使其佳欲使爾等佳諸人莫有言者玄答曰譬如芝蘭玉樹欲使其生於庭堦耳安悅時苻堅入寇攻劫曰寇

將軍為前鋒都督與從弟輔國將軍琰決戰肥水南堅眾奔潰弃甲宵遁聞風聲鶴唳唳鶴鳴也皆以為王師已至進號前將軍

伏波標柱

博望書母河

十四列傳

後漢馬援字文淵扶風茂陵人少有大志嘗謂賓客曰丈夫為志窮當益堅老當益壯建武中歷虎賁中郎將數被進見為人明鬚

髮眉目如畫閑於進對也閑習也又善兵策帝嘗言伏波論兵與我意合有謀未嘗不用後交趾女子徵側等反後漢書注徵側薤冷縣

醜酒注醜酒也勞饗軍士將樓船戰士進擊餘黨嶠南悉平後復請擊武陵五溪蠻夷時年六十二帝愍其老援曰臣尚能被甲上馬

帝令試之援據鞍顧眄以示可用帝笑曰矍鑠哉是翁也注矍鑠勇貌遂遣征之進營壺頭注壺頭名會暑甚中病卒病中卒廣州記曰援到交

趾立銅柱為漢之極界

前漢張騫漢中人建元中為郎武帝方欲事滅胡迺募能使者廣募也騫應募使月氏徑匈奴師古曰道由匈奴過留十餘歲持漢節不失因與

三列傳

其屬亡鄉月氏師古曰屬同使後亡歸拜太中大夫騫身所至者
 大宛大月氏大夏康居而傳聞其旁大國五六具為天子言其地
 形所有元朔中以校尉從大將軍衛擊匈奴知水草處軍得以不
 乏封博望侯贊曰禹本紀言河出崑崙崑崙高二千五百里餘日
 月所相避隱為光明也此史記大宛傳贊論之言班固取以為贊
騫註引禹大傳豈大史公所謂禹本紀者與自張騫使大夏之後窮河源惡睹所謂崑崙
 者乎惡於何也舊注云得支機石歸世傳昔人有泛槎至天河得石歸
也支未詳所出

李陵初詩

田橫感歌

前漢李陵字少卿前將軍廣之孫少為侍中建章監建章殿名善騎射
 愛人謙遜下士甚得名譽武帝以為有廣之風拜騎都尉天漢二
 年將步卒五千人征匈奴戰敗遂降焉初陵與蘇武俱為侍中武
 使匈奴明年陵降後昭帝立與匈奴和親武得還漢陵以詩贈別

列傳二十四 李廣傳

曰攜手上河梁橋也游子暮何之徘徊踟躕路側恨恨不得辭恨音亮

晨風鳴北林晨風也習習東南飛習習也浮雲日千里安知我心悲

武別陵詩曰雙鳧俱北飛喻共來一鳧獨南翔喻武獨歸子當留斯

館我當歸故鄉一別如秦胡言相去遠也會見何渠央渠與遠通愴恨

切中懷愴恨悲傷貌不覺淚霑裳願子長努力言笑莫相忘五言詩蓋

自此始

列傳第三

前漢田橫狄人師古曰狄縣名也故齊王田氏之族秦末自立為齊王漢
 將灌嬰敗橫軍遂平齊地橫懼誅與其徒居海島中海中有山可
 高帝召之迺與其客二人乘傳詣洛陽謝使者曰橫始與漢王俱
 南面稱孤今王為天子而橫為亡虜其愧已甚遂自剄令客奉其
 頭奏之高帝為之流涕以王禮葬之拜其二客為都尉既葬二客
 穿其冢旁皆自剄其餘五百人在海中聞橫死亦皆自殺李周翰
 曰橫自殺從者不敢哭而不勝哀故為悲歌以寄情後廣之為薤

露蒿里歌以送終人薤露歌云薤上朝露何易晞露晞明朝更復落
魂魄無賢愚鬼伯何相催促人命不得少踟躕薤菜名蒿草名
舊說蒿里黃泉下也一說蒿里言冢間宿草積聚指墓門言也
至李延年分為二等薤露送王公貴人蒿里送士大夫庶人挽柩
者歌之人或在柩曰因呼為挽歌一作輓歌

武仲不休

士衡患多

後漢傳毅字武仲扶風茂陵人少博學肅宗博召文學之士以毅
為蘭臺令史百官志蘭臺令史掌奏及印工文書拜郎中與班固賈逵共典校書
毅追美明帝功德最盛而廟頌未立乃依清廟作顯宗頌十篇
奏之由是文雅顯於朝廷魏文帝典論曰文人相輕自古而然傳
毅之於班固伯仲之間耳伯仲喻兄弟之次也而固小之與弟超書
曰武仲以能屬文屬謂綴輯之也為蘭臺令史下筆不能自休言其稿
晉陸機字士衡吳郡人太司馬抗之子身長七尺其聲如鐘少有
異才文章冠世與弟雲俱入洛造太常張華華素重其名如舊相
識曰伐吳之役利獲二俊雲機又詣侍中王濟濟指羊酪謂曰吳中
何以敵此答云千里萼羹未下鹽豉言下鹽豉則美於時人稱為
名對機天才秀逸辭藻宏麗華嘗謂之曰人之為文常恨才少而
子更患其多弟雲嘗與書曰君苗雲之小字見兄文輒欲燒其筆硯華
薦之諸公累遷中書郎後成都王穎起兵討長沙王乂假機後將
軍河北大都督機以羈旅入宦頓居羣士之右皆有怨心譖之於
穎穎怒使人收機機歎曰華亭鶴唳豈可復聞乎遂遇害初機有
駿犬名黃耳既羈寓京師久無家問笑語犬曰我家絕無書汝能
齋書取消息否犬搖尾作聲機乃為書以竹筒盛之繫其頸犬尋
路南走遂至家得報還洛後以為常

桓譚非讖

王商止訛

後漢桓譚字君山沛國相人後漢書注相縣名好音律世祖即位拜議郎
給事中後詔會議靈臺所處靈臺候時天文臺帝方信讖符命多以決

列傳十八

列傳四十二

文苑七上

定嫌疑。謂譚曰：吾欲讖決之，何如？譚曰：臣不讀讖。帝問其故，譚復極言讖之非經。帝大怒曰：譚非聖，無法將下斬之。叩頭流血，乃得解出為六安郡丞卒。

二五列傳

前漢王商字子威，涿郡蠡吾人。成帝時為左將軍，京師民無故相驚言大水至。無故，即是非言也。百姓奔走相蹂躪。師古曰：蹂，踐也。躪，躪也。老弱號呼，長安中大亂。天子召公卿議，大將軍王鳳以為太后與上及后宮可御船，令吏民上長安城以避水。羣臣皆從鳳議。商曰：自古無道之國，水猶不冒城郭。冒，蒙也。今政治和平，世無兵革，上下相安，何因有大水暴至此？必訛言上迺止。果訛言上美壯商之固守，數稱其議而鳳大慙。後為丞相，為人多質，有威重。師古曰：多質，言不為文飾。長八尺餘，身體鴻大，容貌過人。單于來朝，商坐未央廷中，單于前拜謁商，仰視大畏之。遷延却退。遷延，却退之貌。上聞歎曰：真漢相矣。鳳怨商陰求其短，卒為所中，免相薨。

稽呂命駕 程孔傾蓋

十九列傳

晉書嵇康字叔夜，樵國鉅人性巧而好鍛。鍛，治鐵也。打為器。宅中有一柳樹甚茂，乃激水圍之。每夏月，居其下以鍛。東平呂安服其高致，每一相思，輒千里命駕，康友而善之。

致思篇

家語曰：孔子之郊，遭程子於塗。王肅曰：程子名本，字子華，晉人也。傾蓋而語。傾蓋，蓋車。終日甚相親，顧謂子路曰：取束帛以贈先生。

劇孟一敵 周處三害

游俠傳六十二

前漢劇孟，洛陽人，以俠顯。俠，任俠也。相與信為任，同是非曰俠。吳楚反時，條侯周亞夫為大尉，東將至河南。王楙云：史記乘傳車，班史誤，車作東。得劇孟喜曰：吳楚舉大事而不求劇孟，吾知其無能為已。天下騷動，大將軍得之若一敵國。

八二列傳

晉周處字子隱，義興陽羨人，膂力絕人，不修細行，州曲患之。曲，鄉也。處自知為人所惡，慨然有改勵之志。慨，憤也。謂父老曰：今時和歲豐

何苦而不樂。父老歎曰：「三害未除，何樂之有？」處曰：「何謂也？」何謂也答曰：「南山白額、猛虎、長橋下蛟，并子為三矣。」處曰：「吾能除之。」乃入山射殺猛虎，投水搏殺蛟，遂勵志好學，有文思，志存義烈，言必忠信。克己暮年，州府交辟，仕晉為御史中丞。凡所糾劾，不避寵戚。寵戚及氏人齊萬年反，朝臣惡處強直，皆曰：「處名將子，忠烈果毅，乃使隸夏侯駿西征，伏波將軍孫秀謂之曰：『卿有老母，可以此辭。』」其將死，故教之辭也。處曰：「忠孝之道，安得兩全？既辭親事，君父母安得而益愛惜之？」也。處曰：「忠孝之道，安得兩全？既辭親事，君父母安得而子乎？」已而戰敗，左右勸退，處按劍曰：「此吾效節授命之日，何退之為？且古者良將受命，函門以出，君親操斧鉞，授將，將辭而行，函門也。蓋有進無退也。諸君負信，勢必不振，我為大臣，以身殉國，不亦可乎？」遂力戰而沒，追贈平西將軍。

胡廣補闕

袁安倚賴

後漢胡廣字伯始，南郡華容人。察孝廉，察猶舉也。考廉，取士科目。試章奏，安帝

以廣為天下第一。累為三公，年已八十，而心力克壯，性溫柔謙素，常遜言恭色，達練事體，明解朝章。朝廷典章雖無謇直之風，屢有補闕之益。故京師諺曰：「萬事不理，問伯始。」天下中庸有胡公。中庸，言及共李固、趙戒、杜喬議立清河王蒜，而蒜、吾侯志取梁冀妹，冀欲立之。廣戒憚冀，皆曰：『惟大將軍令獨固與喬堅守本議，竟立蒜、吾侯。』是為桓帝，以此譏毀於時。自在公台三十餘年，歷事安、順、沖、質、桓、靈六帝，凡一履司空，再作司徒，三登大尉，又為太傅。其所辟命，皆天下名士，與故吏陳蕃、李咸並為三司。蕃等每朝會，輒稱疾避廣。言見時人榮之，重憚時人榮之。

列傳 三十五

後漢袁安字邵公，汝南汝陽人。嚴重有威，見敬於州里。肅宗末為司空，遷司徒。和帝時薨，初安以天子幼弱，外戚擅權，每朝會進見及與公卿言國家事，未嘗不噫嗚流涕。後漢書注：噫，傷之貌。自天子及大臣皆倚賴之。倚賴，時賴也。及薨，朝廷痛惜焉。初安父沒，訪求葬地，道逢

三書生問安何之安告之生乃指一處云葬此地當世為上公須
吏不見安異之於是葬其地故累世隆盛

黃霸政殊 梁習治最

九傳史

前漢黃霸字次公淮陽陽夏人武帝末以待詔諸以才伎召未有
入錢賞官師古曰因入錢補侍郎謁者後復入穀補左馮翊二百

石卒史左馮翊右扶風京兆是馮翊以霸入財為官不署右職師

史以賢良高弟為潁川太守力行教化而後誅爵外寬內明得吏

民心戶口歲增治為天下第一徵守京兆尹坐貶秩歸潁川前後

八年郡中愈治是時鳳凰神爵數集郡國潁川尤多天子以霸治

行終長者下詔稱揚賜爵關內侯黃金百斤秩中二千石後為丞

相霸材長於治良及為相總綱紀號令風采不及丙魏于定國風

魏志梁習字子虞陳郡柘人以別部司馬營五部部校尉軍司馬

各一人其不置校尉部但有軍司馬領并州刺史承高幹荒亂之餘

馬一人其別營領屬為別部司馬通鑑作雄張

落兵家擁眾作為寇害更相扇動往往暴時到處也兵習到官誘

喻招納皆禮召其豪右稍相薦舉使詣幕府邊境肅清百姓布野

勤勸農桑令行禁止貢達名士咸顯於世太祖嘉之賜爵關內侯

更拜為真前以別部司馬領并州刺史長老稱詠以為自所聞識

刺史未有及習者文帝時復為刺史政治常為天下最舊本習作

墨子悲絲 楊朱泣歧

淮南子曰揚子見遠路而哭之注揚子名朱四道交為其可以南

可以北為當慎墨子見練絲而泣之練白也為其可以黃可以

黑為當慎高誘曰憫其本同而末異

上

朱博鳥集 蕭芝雉隨

三五列

前漢朱博字子元杜陵人哀帝時御史府吏舍百餘區井水皆竭又其府中列栢樹常有野鳥數千棲宿其上晨去暮來號曰朝夕鳥去不來者數月師古曰皆御史大夫之職休廢之應長老異之後二歲餘博為大司空奏言高皇帝置御史大夫位次丞相今中二千石未更御史大夫而為丞相權輕非所以重國政也臣以為大司空官可罷復置御史大夫遵奉舊制臣願盡力以為百僚率也從之迺更拜博御史大夫後為丞相坐事自殺

蕭廣濟孝子傳蕭芝至孝蕭芝字英聖除尚書郎拜官曰除除去故官就新官也有雉數十頭飲啄宿止當上直百官往省中直舍曰上直罷曰下直送至岐路及下直入門飛鳴車前時人以為為孝感所致

杜后生齒 靈王出窺

晉書成恭杜皇后諱陵陽鎮南將軍預曾孫后少有姿色姿美然長猶無齒有來求婚者輒中止及帝納采之日禮之一見于禮者一夜齒盡生在位六年無子先是三吳女子相與簪白花望之如素柰柰果名似柰而大有白赤青三色白者曰素柰傳言天公織女死為之著服至是而后崩

左氏傳昭公二十六年王子朝曰子朝使告定王六年秦人降妖降妖曰

周其有黿王有王生而有黿亦克能修其職諸侯服享二世供職

杜預曰靈王景王之世諸侯供其職貢王室其有間王位二世之後常有諸侯不圖不善而受其亂災至于靈王之孫生而有黿王甚神聖無惡於諸侯靈王景王克終其世

賈誼忌鵬 莊周畏犧

前漢賈誼雒陽人年十八能誦詩書屬文稱於郡中河南守吳公聞其秀才召置門下及為廷尉迺言誼年少頗通諸家書文帝召為博士每詔令議下師古曰謂有詔令出下及使議事諸老先生未能言誼盡為

列傳十八

之對人人各如其意所出諸生即諸老以為能帝說之超遷歲中

至太中大夫誼以為漢興當改正朔易服色制度定官名興禮樂

迺草具其儀帝謙讓未皇也師古曰然諸法令所更定皆誼發之

天子以誼任公卿之位絳灌之屬害之師古曰絳灌嬰害忌也於是上

亦疎之不用其議以為長沙王太傅三年有服飛入舍止於坐隅

服似鴟不祥鳥也誼既適居適讀長沙卑濕自傷惶以為壽不得

長迺為賦以自廣歲餘帝思誼徵之入見上方受釐坐宣室釐祭

昨也漢儀注祭天地五時皇帝不自因感鬼神事而問鬼神之本

誼具道所以然之故至夜半帝前席師古曰漸促近既罷曰吾久

不見賈生自以為過之今不及也不及賈迺拜誼梁王大傳效年

三十三孔臧鴉賦云昔賈生有識之士忌茲服鳥

莊子曰列御寇或聘於莊子莊子應其使曰子見夫犧牛乎衣以

文綉食以芻菽及其牽而入於太廟雖欲為孤犢其可得乎雖犢

自悲也史記曰莊周蒙人嘗為蒙漆園吏正義云蒙與漆園名與漆惠王同

時其學本於老子著書率寓言沈洋自恣以適已沈洋洋濔濔故王

公大人不能器之用之威王聞周賢使使厚幣迎之許以為相

周引此辭應之郭象云樂生者畏犧而辭聘

燕昭築臺 鄭莊置驛

史記燕昭王即位卑身厚幣以招賢者謂郭隗曰齊國因孤之國

亂燕王曾屬國而襲破燕孤極知燕小力少不足以報然誠得賢

士以共國以雪先王之耻孤之願也先生視可者共國者得身事

之隗曰王必欲致士先從隗始況賢於隗者豈遠千里哉於是昭

王為隗改築宮而師事之樂毅自魏往鄒衍自齊往劇辛自趙往

士爭趨燕後與秦楚三晉韓魏合謀伐齊敗之齊城之不下者唯

聊莒即墨餘皆屬燕孔文舉與曾公書曰昭王築臺以尊郭隗鮑

昭樂府曰豈伊白璧賜將起黃金臺注云燕昭王置千金於臺上

世家 第四

卷上 十三

以延天下之士

列傳

前漢鄭當時字莊陳人孝文時以任俠自喜喜好脫張羽於阬度

云梁孝王之將聲聞梁楚間孝景時為太子舍人每五日洗沐常

置驛馬長安諸郊如淳曰便請謝賓客夜以繼日常恐不徧其知

友皆大父行師古曰大天下有名之士武帝時遷大司農當時為

大吏戒門下客至亡貴賤亡留門者執賓主之禮以其貴下人其

推轂士及官屬丞史師古曰推常引以為賢於已聞人之善言進

之上唯恐後山東諸公以此翕然稱鄭莊後陷罪起為汝南太守

卒家亡餘財先是下邳翟公為廷尉賓客亦填門及廢門外可設

爵羅後復為廷尉客欲往翟公大署其門曰師古曰署一歎一生

權靖二妙

岳湛連璧

列傳

晉書衛權字伯玉河東安邑人武帝時拜尚書令加侍中性嚴整

以法御下視尚書若參佐屬郎若掾屬尚書郎權學問深博明習文

藝與尚書郎索靖俱善草書時號一臺二妙漢末張芝亦善草書

論者謂權得伯英筋靖得伯英肉權筆勝靖然有楷法遠不

能及靖靖字幼安敦煌人少有逸羣之量與鄉人記衷張彪索紞

索永俱詣大學官學馳名海內號稱敦煌五龍靖該博經史舉賢良

對策高第累遷遊擊將軍伯英芝字也

晉潘岳字安仁滎陽中牟人少以才穎見稱鄉邑號為奇童謂終

賈之儔也終賈終夏侯湛字孝若譙國譙人幼有盛才文章宏富

善構新詞構結起美容觀與潘岳友善每行止同輿接茵京都謂

之連璧岳美姿儀辭藻絕麗文辭少時常持彈出洛陽道彈行丸

婦人遇之者皆連手縈繞縈繞投之以果滿車而歸舉秀才名冠

世為眾所疾棲遲十年出為河陽令負其才負恃鬱鬱不得志後

至黃門侍郎湛舉賢良對策中第終散騎常侍

列傳

十五

郤詵一枝 戴憑重席

列傳第二十二

晉書郤詵字廣基濟陰單父人博學多才瓌偉侷儻瓌偉奇也侷儻卓異也皆言人才不拘細行州郡禮命並不應禮命也泰始中舉賢良賢良取士非常也對策上第拜議郎遷雍州刺史武帝於東堂會送問詵曰卿自以為何如詵對曰臣舉賢良對策為天下第一猶桂林一枝崑山片玉崑山即昆崙山也帝笑詵在任威嚴明斷甚得聲譽後漢戴憑字次仲汝南平輿人光武時舉明經試博士明經博士並取士之科後拜侍中正且朝賀百僚畢會帝令羣臣能說經者更相難詰義有不通輒奪其席以益通者憑遂重坐五十餘席故京師為之語曰解經不窮戴侍中舊本憑作馮誤

鄒陽長裾 王符縫掖

列傳第十一

前漢鄒陽齊人為人有智略慷慨不苟合慷慨激昂之意漢興諸侯王皆自治民聘賢國及後諸侯惟衣食租稅不與吳王濞招致四方游士陽仕吳以文辯著名久之吳王以太子事怨望稱疾不朝時吳太子入見得侍皇太子飲博吳太子師博皆楚人輕悍又素驕博爭道不恭皇太子引博局提吳太子殺之於是遣其喪歸葬吳吳王愾曰天下一宗死長安即葬由是怨望陰有邪謀陽奏書諫略曰必求葬復遣喪之長安葬由是怨望陰有邪謀陽奏書諫略曰今臣盡智畢議易精極慮如淳曰改易精思極盡謀慮則無國不可奸奸與干通言易仕飾固陋之心則何王之門不可曳長裾乎然臣所以歷數王之朝背准千里而自致者非惡臣國而樂吳民也竊高下風之行尤說大王之義師古曰在下風側聽義願大王無忽無忽臣言王不納陽乃去從梁孝王卒為上客

列傳第三十九

後漢王符字節信安定臨涇人少好學有志操操所守也耿介不同於俗耿介剛勇之意以此遂不得升進乃隱居著書三十餘篇以譏當時失得號潛夫論後度遠將軍皇甫規解官歸鄉人有以貨得鴈門大守者亦去職還家書刺謁規書姓名于刺規臥不迎既入而問卿前在郡食鴈美乎有頃又白王符在門規素聞符名乃驚遽而起衣

不及帶履履出迎履履謂足跟不正援符手而還與同坐極歡時人為之語曰徒見二千石不如一縫掖禮記縫作逢鄭玄曰逢大掖之衣大袂之衣也儒生之言書生道義之為貴也後竟不仕

鳴鶴日下 士龍雲間

晉書陸雲字士龍六歲能屬文性清正有才理少與兄機齊名雖文章不及機而持論過之號二陸幼時吳尚書閔鴻見而奇之曰此兒若非龍駒是鳳雛龍馬也後舉雲賢良吳平入洛雲與荀隱未相識嘗會張華坐華曰今日相遇可勿為常談雲因抗手曰雲間陸士龍隱曰日下荀鳴鶴鳴鶴隱字也雲又曰既開青雲觀白雉白雉瑞鳥也何不張爾弓挾爾矢隱曰本謂是雲龍駸駸駸駸馬也乃是山鹿野麋獸微弩強是以發避華撫手大笑刺史周浚召為從事謂人曰士龍當今之顏子也聞一官至中書侍郎與機同被害初雲嘗行逗宿故人家投通夜暗迷路莫知所從忽望草中有火趣之至一家寄宿見一年少美風姿共談老子辭致深遠向曉辭去行十許里至故人家云此數十里中無人居雲意始悟卻尋昨宿處乃王弼家雲本無玄學老子道自此談老殊進

晉宣狼顧 漢祖龍顏

晉宣皇帝諱懿字仲達河內溫縣孝敬里人姓司馬氏少聰明多大略博學洽聞洽周備也漢末大亂常慨然有憂天下心魏武為丞相辟為文學掾累遷相國武帝受禪上尊號曰宣皇帝帝內急而外寬猜忌而多權變權數機變魏武察帝有雄豪志聞有狼顧相欲驗之乃召使前行令反顧面正向後而身不動又嘗夢三馬同食一槽三馬象司馬懿師照槽曹聲同食一槽食曹氏之象甚惡焉因謂太子丕曰司馬懿非人臣也必預汝家事太子素與帝善每相全佑故免

前漢高祖諱邦字季沛豐邑中陽里人姓劉氏母媪嘗息大澤之陂夢與神遇是時雷電晦冥父太公往視則見交龍於上已而有

列傳 十四

本紀 第一

本紀 第一

娠遂產高祖隆準而龍顏應劭云隆高也李斐云準鼻也美鬚髯左股有七十二黑子寬仁愛人意豁如也師古云豁如開大之貌常有度不事家人生產

鮑靚記并 美祐識環

晉書鮑靚字太玄東海人年五歲語父母云本是曲陽李家兒九歲墮井死其父母訪問問其家皆符驗靚學兼內外老與天文河洛書後遷南海太守嘗見仙人陰君授道訣訣方術要法也百餘歲卒

第五傳

第四傳

晉羊祐字叔子泰山南城人世吏二千石至祐九世並以清德聞祐年五歲時令乳母取所弄金環乳母曰汝先無此物祐即詣鄰人李氏東垣桑樹中探得之主人驚曰此吾亡兒所失物云何持去乳母具言之李氏悲惋恨也時人異之謂李氏子即祐之前身也祐博學能屬文魏高貴鄉公時公車徵拜中書侍郎公車署名後漢光武

志以祐都督荊州諸軍事出鎮南夏累進征南大將軍南城侯卒贈大傳初有善相墓者言祐祖墓所有帝王氣若鑿之則無後祐遂鑿之相者見曰猶出折臂三公祐竟墮馬折臂仕至公而無子祐樂山水每風景必造峴山置酒言詠終日不倦襄陽百姓於祐平生遊憩之所建碑立廟歲時享祀望其碑者莫不流涕思其惠又感得百姓杜預因名為隨淚碑荊州人為祐諱名云言不犯

仲容言雲 叔夜玉山

第九傳

晉書阮咸字仲容陳留尉氏人任達不拘任其性曰任不拘曰達與叔父籍為竹林之游當世譏其所為咸與籍居道南諸阮居道北北阮富而南阮貧七月七日北阮盛曬衣服錦綺粲目咸以竿挂大布犢鼻於庭犢鼻穴在膝下禪裁至膝下故謂之犢鼻禪阮籍所謂羣羣處禪中者是也曰未能免俗歷散騎侍郎妙解音律善彈琵琶雖處世不交人事唯共親知絃歌酣

宴而已荀勗每與咸論音律自以為遠不及疾之出補治平太守

顏延年作五君詠五君阮籍嵇康劉伶阮咸向秀其一曰仲容青雲器青雲高遠也實

稟生民秀達音何用深議微在金奏樂先擊鐘故樂謂之金奏郭奕已心醉

大原郭奕見咸心醉不覺歎服山公非虛觀屢薦不入官一麾乃出守觀見也山濤屢薦而

帝不能用荀勗招乃出

晉嵇康字叔夜有奇才遠邁不羣美詞氣有風儀而土木形骸不

自藻飾人以為龍章鳳姿謂自然美也天質自然恬靜寡欲含垢匿瑕

寬簡有大量博覽該通長好老莊與魏宗室婚拜中散大夫所與

交者唯阮籍山濤預其流者向秀劉伶阮咸王戎為竹林之遊世

所謂竹林七賢也戎與叔夜居山陽二十年未嘗見其喜愠之色

世說曰叔夜之為人昂昂若孤松之獨立昂通作巖巖巖高貌其醉也傀俄

若玉山之將頹傀偉也俄傾貌

毛義奉檄

子路負米

後漢毛義字少節廬江人家貧以孝行稱南陽張奉慕其名往候

之坐定而府檄適至後漢書注檄徵召之書也以義為守令義奉檄而入喜動

顏色奉者志尚士也尚高也心賤之自恨來固辭而去及義母死去

官行服數辟公府為縣令進退必以禮後舉賢良公車徵不至張

奉歎曰賢者固不可測往日之喜乃為親屈所謂家貧親老不擇

官而仕者也章帝下詔褒寵義賜穀千斛常以八月長吏問起居

加賜羊酒壽終于家

家語仲由字子路見孔子曰負重涉遠不擇地而休家貧親老不

擇祿而仕昔由事二親之時常食藜藿之實為親負米百里之外

親沒之後南遊於楚從車百乘積粟萬鍾累茵而坐列鼎而食願

欲食藜藿為親負米不可得也子曰由也事親可謂生事盡力死

事盡思者也

江革巨孝

王覽友弟

列傳二十九

後漢江革字次翁齊國臨淄人少失父獨與母居遭亂負母逃難備歷阻險常採拾以為養拾遺也數遇賊或劫欲將去革輒涕泣言有老母辭氣愿款後漢書注愿也有足感動人者賊不忍犯之革轉客下邳窮貧裸跣行傭以供母建武末與母歸鄉里至歲時縣當案比注案驗年貌比革以母老不欲搖動自在轅中輓車不用牛馬由是鄉里稱江巨孝注巨大也及母終舉賢良方正遷司空長史肅宗崇禮之拜諫議大夫賜告歸注告請假也漢制吏二千石病滿三月當免天子優賜其告使帶印綬將官屬歸家養病謂之告歸因謝病常以八月長吏存問致羊酒以終厥身巨孝之稱行於天下舊本巨作忠非

列傳第三

晉王覽字玄通母朱遇兄祥無道覽年數歲見祥被楚撻楚撻所以撻者輒涕泣抱持每諫其母母少止凶虐朱屢以非理使祥覽輒與俱又虐使祥妻覽妻亦趨而共之朱患之乃止祥喪父後漸有時譽朱疾之密使酖祥酒有鴆覽知之徑起取酒祥疑其有毒爭而不與朱遽奪反之自後朱賜祥饌覽輒先嘗覽孝友恭恪名亞於祥仕至光祿大夫門施行馬行馬交五本以為遮闌施之門帳簾祿賜錢二十萬給吏卒門施行馬

蕭何定律

叔孫制禮

刑法志

前漢高祖初入關約法三章章條也曰殺人者死傷人及盜抵罪古師云抵至也蠲削煩苛蠲除也秦民大說其後四夷未附兵革未息三章之法不足以禦姦於是相國蕭何攬摭秦法摭收也取其宜於時者作律九章高祖布衣時何數以吏事護高祖高祖為沛公何嘗為丞督事督監視也沛公至咸陽諸將皆爭走金帛財物之府分之何獨先入收秦丞相御史律令圖書藏之沛公具知天下阨塞戶口多少強弱處民所疾苦者以何得秦圖書也高祖即位論功行封以何功最盛先封酈侯

列傳十三

前漢叔孫通薛人秦時以文學待詔博士師古云於降漢拜博士中待詔

士號稷嗣君

裴駰云稷嗣君名

漢王為皇帝悉去秦儀法為簡易羣臣飲

爭功醉或妄呼拔劍擊柱上益饜之通說上願徵魯諸生與臣弟

子共起朝儀頗采古禮與秦儀雜就之上使徵魯諸生與其弟子

叔孫通為綿蕪野外如淳云綿蕪以茅剪樹習之月餘通曰上可

試觀七年長樂宮成諸侯羣臣朝十月行禮畢置酒以尊卑次起

上壽觴九行謁者言罷酒御史執法舉不如儀者輒引去竟朝無

敢喧嘩失禮者帝曰吾乃今日知為皇帝之貴也拜通為奉常

後改為賜金五百斤

葛豐刺舉

息躬歷詆

前漢諸葛豐字少季琅邪人以明經為郡文學特立剛直元帝擢

為司隸校尉刺舉無所避刺刺議也京師為之語曰間何闊逢諸

葛師古云言間者何久闊不相見以逢諸葛故也上嘉其節加秩光祿大夫

前漢息躬字子微河內河陽人少為博士弟子武帝置三經博士教子弟受

春秋通覽記書師古云傳記哀帝擢光祿大夫給事中上疏歷詆

公卿大臣曰方今丞相王嘉健而蓄縮師古云蓄縮謂不可用御

史大夫賈延障弱不任職左將軍公孫祿司隸鮑宣皆外有直項

之名項堅確不撓也內實駭不曉政事師古云駭愚也諸曹以下僕逮不足數師古

云僕逮凡短之卒有强弩圍城師古云卒長戟指闕陛下誰與備

管寧割席

和嶠專車

世說管寧字幼安與華歆共園鋤菜見地有金寧揮鋤與瓦石不

異歆捉而擲之又嘗同席讀書有乘軒冕過門者寧讀書如故歆

廢書而看寧割席分坐曰子非吾友也寧歆郡原俱遊學魏書郡

矩三人相善故時人號為一龍謂寧為龍頭原為龍腹歆為龍尾

晉和嶠字長輿汝南西平人少有風格風風采也厚自崇重有盛

名於世朝野許其能整風俗理人倫度數見而歎曰嶠森森如千

傳第七十四

傳第七十五

德行篇

列傳十二

文松森森高雖碑碩多節目者性體卓特施之大度屋有棟梁
之用累遷中書令武帝深器遇之舊監令中書監共車入朝時荀
勗為監嶠鄙其為人以意氣加之每同乘高抗專車而坐抗白舉
也獨也乃使監令異車自嶠始也

時苗留犢

羊續懸魚

魏略時苗字德曹鉅鹿人少清白為人疾惡建安中為壽春令
行風靡其始之官乘薄輦車黃犢牛犢牛北布被囊歲餘生一
犢及去留其犢謂主簿曰今來時本無此犢犢是淮南所生時人
皆以為激激貪然由是名聞天下後遷中郎將

後漢羊續字興祖太山平陽人為南陽太守班宣政令候民病利
後漢書注於人曰利百姓歎服常敝衣薄食車馬羸敗府丞嘗獻其
曰病益於人曰利百姓歎服常敝衣薄食車馬羸敗府丞嘗獻其
生魚續受而懸之於庭後又進之續乃出前所懸者以杜其意靈
帝欲以為太尉時拜三公者皆輸東園禮錢千萬令中使督之中使

列傳
一十

官名名為左驃其所之往輒迎致禮敬厚加贈賂續乃坐使於單
席舉縕袍示之曰臣所資唯斯而已以此故不登公位

樊噲排闥

辛毘引裾

傳第
一

前漢樊噲沛人以屠狗為事從高祖定天下以功封舞陽侯帝嘗
病惡見人臥禁中詔戶者無得入羣臣羣臣絳灌等周勃莫敢入
十餘日噲乃排闥直入師古云闥大臣隨之上獨枕一宦者臥噲
等流涕曰始陛下與臣等起豐沛定天下何其壯也今天下已定
又何憊也師古云憊且陛下病甚不見臣等計事顧獨與一宦者
絕乎也且獨不見趙高之事乎帝笑而起初帝已定關中項王
至怒欲攻之帝從百餘騎見羽鴻門亞父范增令項莊拔劍舞欲
擊帝項伯常屏蔽之噲聞事急持盾直入怒甚羽壯之賜以卮酒
彘肩噲飲酒拔劍切肉食之曰臣死且不辭豈特卮酒乎帝如廁
噲噲出獨騎馬單騎噲等步從山下走歸霸上軍是日微噲幾殆

師古云
微無也

魏志辛毘字佐治。潁川陽翟人。文帝踐阼。遷侍中。帝欲徙冀州士家十萬戶。實河南。時連蝗。民饑。連年羣司以為不可。而帝意甚盛。毘與朝臣俱求見。帝知其欲諫。作色以見之。皆莫敢言。毘曰。陛下不以臣不肖。置之左右。廁之謀議之官。安得不與臣議。臣所言非私。乃社稷之慮也。帝不答。起入內。毘隨而引其裾。帝遂奮衣不還。良久乃出。曰。卿持我何太急邪。毘曰。今徙既失民心。又無以食。帝遂徙其半。嘗從帝射雉。帝曰。射雉樂哉。毘曰。於陛下甚樂。羣下甚苦。帝默然。後遂乃為之稀。出終衛尉。

孫楚漱石

郝隆曬書

晉書。孫楚字子荆。太原中都人。才藻卓絕。爽邁不羣。多所陵傲。缺鄉曲之譽。年四十餘。始參鎮東軍事。終馮翊太守。初楚少時欲隱居。謂王濟曰。當欲枕石漱流。誤云漱石枕流。濟曰。流非可枕。石非可漱。楚曰。所以枕流。欲洗其耳。所以漱石。欲厲其齒。屬磨世說。郝隆。字左治。汝南人。七月七日。出日中。仰臥人問其故。曰。我曬腹中書也。舊本問。上脫人字。今据世說補之。

枚臯詣闕

充國自贊

前漢枚臯字少孺。至長安。上書北闕。自陳枚乘之子。始乘少。詔問乘子無能為文者。乘在梁時。取臯母為小妻。及東歸。臯母不肯隨。留與母居。留臯與上得大喜。召入見。待詔。因賦殿中。詔使賦。平樂館。善之。拜為郎。使匈奴。臯不通經術。詠笑類俳倡。李奇云。詠。倡。非雜戲。為賦頌。好嫚戲。藪汗也。以故得媒黷。貴幸。黷。狎也。比東方朔郭舍人等。

前漢趙充國字翁孫。隴西上邽人。善騎射。補羽林。為人沈勇。有大略。少好將帥之節。而學兵法。通知四夷事。宣帝時。為後將軍。封營平侯。神爵初。諸羌背叛。犯塞。時充國年七十餘。上老之。使御史大

卷二
十九

排
篇

傳
十一

傳
三十一

夫丙吉問誰可將者充國對曰亡踰於老臣者臣願馳至金城圖
 上方略師古云圖其地形并為充國常以遠斥候為務斥度也候
 取敵地斥候言行必為戰備止必堅營壁尤能持重愛士卒先計而後戰
 遂至西部都尉府孟康云在金城日饗軍士士皆欲為用虜數挑戰充國
 堅守捕得生口言羌豪相責曰語汝十反今天子遣趙將軍來年
 八九十矣善為兵今請欲一鬪而歿可得邪充國引兵至先零西
 種之虜奔車重車重載赴水溺死者數百降斬五百餘後罕并煩
 兵而下罕并亦西遂屯田便宜十二事上聽其計後罷屯兵振
 旅而還言勝而還也軍出乞骸骨賜安車駟馬黃金罷就第每有
 四夷大議常與參六謀問籌策薨諡壯侯初充國以功德與霍光
 等列畫未央宮成帝時西羌有警上思將帥之臣追美充國迺召
 黃門郎楊雄即圖畫而頌之師古云即就也

王衍風鑒 許劭月日

晉書王衍字夷甫神情明秀風姿詳雅嘗造山濤既去濤月送之
 曰何物老嫗生寧馨兒寧馨猶言如此然誤天下蒼生者未必非
 此人武帝聞其名問其從兄戎曰夷甫當世誰比戎曰未見其比
 當從古人中求耳補元城令終日清談縣務亦理衍有盛才美貌
 明悟若神常自比子貢聲名藉甚藉甚言到喜空言虛無之惟談
 老莊為事每捉玉柄麈尾與手同色義理有所不安隨即改更世
 號口中雌黃古人書用黃紙其改朝野翕然謂之一世龍門翕合
 龍門此以魚為喻龍門水險魚鼈莫能上得則為龍累居顯職
 後進景慕景仰歷尚書令及石勒寇京師以衍都督征討諸軍事
 遷大尉眾共推為元帥舉軍為勒所破衍欲求自免勸勒稱尊號
 勒怒曰君名蓋四海身居重任少壯登朝至於白首何得言不豫
 世事邪勒呼衍與語衍自說使人夜排墻填殺之填塞也王戎謂
 王衍神姿高徹如瑤林瓊樹自然是風塵表物王敦曰夷甫處眾

中如珠玉在瓦石間顧惜其為人所尚如此

五列十傳

後漢許劭字子將汝南平輿人少峻名節好人倫論人曰多所賞識時郭太亦知人故天下言拔士者稱許郭曹操人倫曰微時常畀辭厚禮求為己目品目也劭鄙其人曰君清平之姦賊亂世之英雄操大悅而去初劭與從兄靖俱有高名好共覈論鄉黨人物覈猶實也每月輒更其品題故汝南俗有月旦評焉舉方正敦樸不就兄度亦知名汝南稱平輿淵有二龍焉

賀循儒宗

孫綽才冠

三列十傳

晉書賀循字彥先會稽山陰人操尚高厲厲嚴正也童胤不羣胤胤八歲言行進止必以禮讓建武初為中書令加散騎常侍固辭改拜太常朝廷疑滯皆諮之循輒依經禮而對禮經義也為世儒宗晉書孫綽字興公馮翊太守楚之子博學善屬文居會稽遊於山

三列十傳

水十餘年絕重張衡左思賦每云三都二京五經之鼓吹也言為也譬之樂章之待鼓吹以成也嘗作天台賦辭致甚工初成以示友人范榮期云卿試擲地當作金石聲榮期曰恐此金石非中宮商然每至佳句輒云應是我輩語非他人之所能作除著作郎後轉廷尉卿綽少以文才稱于時文士綽為其冠温王郁度諸公薨温嶠王導起度亮必須綽為碑文然後刊石焉范啓字榮期慎陽人晉書孫綽傳有植温王羲之之事無温嶠王導之事

太叔辨給

摯仲辭翰

二列十傳

晉書摯虞字仲洽京兆長安人才學通博著述不倦舉賢良策為下第第有上下拜中郎武帝詔會東堂策問對畢擢太子舍人歷太常卿虞性愛士人有表薦者常為其辭東平太叔廣搢機清辨機樞要也言言清辯而得要也廣談虞不能對虞筆廣不能答更相嗤笑紛然於世云太子舍人更直宿衛如三署即中廣空李思

山濤識量

毛玠公方

山濤字季野西平襄陽人也濤少為名士有容止

晉書山濤字巨源河內懷人少有器量介然不羣介然有年四十始為郡上計掾舉孝廉武帝時遷吏部尚書前後選舉周徧內外外京官並得其才官至右僕射贈司徒初濤布衣家貧謂妻韓氏曰忍飢寒我後當作三公但不知卿堪作夫人不耳及居榮貴貞慎儉約謂朝裴楷有知人鑒嘗謂濤若登山臨下幽然深遠王戎亦目濤如璞玉渾金渾人皆欽其寶也莫知名其器梁任昉為范雲讓尚書吏部表云在魏則毛玠公方居晉則山濤識量以臣況之一何遼落一何也也○任昉字彥昇○范

魏志毛玠字孝先陳留平丘人魏太祖為相玠嘗為東曹掾後漢志太尉屬有東西曹掾西曹王有吏署用東曹主二千石長吏遷除及軍吏與崔琰並典選舉其舉用皆清正士雖有盛名而行不由本者終莫得進務以儉率人由是士以廉節自勵雖貴寵之臣輿服不敢過度太祖歎曰用人如此使天下人自治吾復何為哉文帝為五官將親自詣玠屬所親眷

玠答曰老臣以能守職幸得免戾戾罪也今所說人非遷次是以不敢奉命請謁不行時人憚之初太祖平柳城班所獲器物特以素屏風素馮几賜玠曰君有古人之風故賜君古人之服玠居顯位常布衣蔬食賞賜以振施貧族魏國初建為僕射復典選舉時太子未定而臨菑侯植有寵玠密諫曰近者袁紹以嫡庶不分覆宗滅國廢立大事非所宜聞非人臣所宜言太祖目指曰此古所謂國之司直詩鄭我之周昌也周昌諫廢太子

袁盎卻坐

衛瓘撫牀

前漢袁盎字絲安陵人孝文時為中郎將上幸上林皇后寶皇慎夫人從其在禁中常同坐師古云高及坐郎署蘇林云上林盎引卻夫人坐夫人怒不肯坐上亦怒起盎因前說曰臣聞尊卑有序則上下和今陛下既已立后夫人適妾主豈可向坐哉且陛下幸之則厚賜之陛下所以為慎夫人適所以禍之也獨不見人豕乎

威夫上迺說入語慎夫人。夫人賜益金五十斤。然亦以數諫不得久居中。

列傳第六

晉書衛瓘字伯玉河東安邑人武帝時遷司空為政清簡其得朝野聲譽惠帝為太子朝臣咸謂純質不能親政事惠帝瓘每欲陳啓廢之而未敢發後會宴陵雲臺瓘託醉因跪帝床前曰臣欲有所啓欲言而止者三因以手撫床曰此座可惜帝悟因謬曰不知意之公真大醉邪瓘不復有尚書事賈后素怨瓘且忌其方直不得騁已淫虐啓帝作詔免瓘官遂被害

于公高門

曹參趣裝

列傳第十四

前漢于定國字曼情東海邳人其父于公為縣獄史郡決曹法事決獄平羅文法者也師古云羅羅也文亦法也于公所決皆不恨郡中為之生立祠始其閭門壞父老方共治之于公謂曰少高大閭門令容駟馬高蓋車我治獄多陰德未嘗有所冤子孫必有與者至定國宣帝時為丞相封西平侯子永為御史大夫封侯傳世云

列傳第九

前漢曹參沛人從高祖有功剖符封平陽侯高祖以長子肥為齊王以參為相國九年齊國安集大稱賢相蕭何薨參聞之告舍人趣治行師古云舍人猶家人也趣讀曰促治行謂飾治行裝也吾且入相居無何果召參參代何為相舉事無所變更一遵何之約束參薨百姓歌之曰蕭何為相講若畫師古云講和也曹參代之守而勿失載其清淨師古云載猶民以寧一畫一言整齊曹參代之守而勿失載其清淨師古云載猶民以寧一畫一言整齊曹參代之守而勿失載其清淨師古云載猶民以寧一畫一言整齊

庶女振風

鄒衍降霜

淮南子曰庶女告天雷電下擊景公臺隕支體傷折海水大出許慎曰庶賤之女齊之寡婦無子不嫁事姑謹敬姑無男有女女利母財令母嫁婦終不肯女殺母以誣誣寡婦殺之婦不能自明冤結告天

燕鄒衍事燕惠王左右譖之被繫於獄仰天而哭盛夏為之降

霜江淹書曰昔者賤臣叩心叩心言飛霜擊於燕地庶女告天振風襲於齊堂襲入○景公莊公之弟許慎字叔仲○惠王昭王子江淹字文通考城人

范冉生塵

晏嬰脫粟

後漢范冉字史雲冉或陳留外黃人受業通經注受業於樊英好違時絕俗為激詭之行激逆也常慕梁伯鸞閉仲叔之為入桓帝時為萊蕪長遭母憂喪也不到官後辟大尉府以狷急狷急編常佩韋於朝史記云西門豹性急議者欲以為侍御史因遁逃梁沛間賣卜於市遭黨人禁錮遂推鹿車載妻子鹿車柴車也窄小拮拾自資拾遺穗以自給也詩云彼有遺秉此有帶穗伊寡婦之利或寓息客廬或依宿樹蔭如此十餘年乃結草室而居有時絕粒窮居自若閭里歌之曰甑中生塵范史雲甑炊飯器釜中生魚范萊蕪

晏子春秋曰晏嬰字平仲為齊相常食脫粟米脫粟米才脫粟而不重味○梁鴻字伯鸞○閔貢字仲

詰汾曲魏

鼂令王蜀

北史魏聖武皇帝諱詰汾嘗田於山澤見輜軒自天而下輜軒四蔽之車婦人車也既至見美婦人自稱天女受命相偶偶合也且日請還期年周時復會于此言終而別及期帝至先田處果見天女以所生男授帝曰此君之子也當世為帝王語訖而去即始祖神元皇帝也故時人諺曰詰汾皇帝無婦家力微皇帝無舅家力微神元諱蜀王本記曰荆人鼂令死其屍流亡隨江水上至成都見蜀王杜宇屍流立以為相立鼂令杜宇號望帝杜宇自號望帝自以德不如鼂令以其國禪之鼂令今號開明帝下至五代有開明尚始去帝號復稱王○北史唐李延壽撰蜀王本紀前漢楊雄字子雲著

不疑証金

下和泣玉

前漢直不疑南陽人為郎事文帝其同舍有告歸告休假也誤持其同舍郎金去已而同舍郎覺亡意不疑史記亡作妄連不疑謝

列傳十六

本紀

列傳七十

有之買金償後告歸者至而歸金亡金郎大慙以此稱為長者稍
 遷中大夫朝廷見人或毀曰師古云當於闕廷木朝見時而人毀之不疑狀貌甚美
 然善盜嫂何也不疑聞曰我乃無兄然終不自明景帝末為御史
 大夫

韓非子曰楚人和氏故曰下邑名得玉璞楚山中奉獻厲王王使玉
 人相之曰石也王以和為詐詐韓下同而刖其左足及武王即位和
 又獻之王使玉人相之又曰石也王又以和為詐而刖其右足有世
 論下和者不知其寓言也不爾則和蓋文王即位和乃抱其璞而
 剖而與若欲彰其識之名與別孰戚焉出涕也王聞之使人
 哭於楚山之下三日三夜泣盡而繼之以血泣無聲王聞之使人
 問其故曰天下之刖者多矣子奚哭之悲和曰吾非悲刖也悲夫
 寶玉而題之以石貞士而名之以詐此吾所以悲也王乃使玉人
 理其璞而得寶焉遂命曰和氏之璧

檀卿沐猴

謝尚鵲

列傳七十四

前漢平恩侯許伯入第師古云治第新丞相御史將軍中二千石
 皆賀益寬饒為司隸校尉不行許伯請之迺往酒酣樂作長信少
 府檀長卿起舞為沐猴與狗鬪師古云沐猴彌猴也坐皆大笑寬饒不說因
 起趨出劾奏長信少府以列卿而沐猴舞失禮不敬宣帝欲罪少
 府許伯為謝迺解寬饒字次公魏郡人明經以孝廉為郎舉方正
 對策高第為人剛直高節志在奉公然深刻喜陷害人又好言事
 刺譏奸犯上意時上方用刑法信任宦官寬饒奏曰方今聖道寤
 廢儒術不行以刑餘為周召以法律為詩書又引韓氏易傳言五
 帝官天下三王家天下家以傳子官以傳賢若四時之運功成者
 去上以其怨謗遂下吏本傳功成者去下有不得其人則去其位
 道不自到

列傳九十四

晉謝尚字仁祖八歲神悟夙成其父鯤嘗攜之送客或曰此兒一
 座之顏回也尚曰坐無尼父焉別顏回席賓歎異及長善音樂博

綜眾藝王導比之王戎長呼為小安豐王戎封安辟為掾始列府通謁導以其有勝會勝會猶盛會也謂曰聞君能作鵲舞一座傾想尚便著衣憤而舞憤者韜也導令坐者撫掌擊節尚俯仰其中旁若無人其率詣如此終衛將軍散騎常侍

太初日月

李野陽秋

魏志夏侯玄字太初沛國譙人少知名弱冠為黃門侍郎嘗進見與皇后弟毛曾並坐玄耻之不悅形於色明帝恨之左遷羽林監世說曰曾與玄共坐時人謂蒹葭倚玉樹蒹葭微物也喻毛曾又云朗朗如日月之入懷謂玄也

三六列傳

晉楮裒字李野河南陽翟人康獻皇后父也少有簡貴之風與杜乂俱有盛名冠于中興謂東晉元桓葬日之曰李野有皮裹陽秋常云裒雖不言而四時之氣亦備矣裒肥有輕重如四時

征北大將軍

荀陳德星

李郭仙舟

異苑陳寔字仲弓荀淑字季和仲弓與諸子姪造季和父子討論新刻本脫討論二字蓋世說刪之而此引異苑不可刪矣于時德星聚德星景百里內有賢人聚

八五列傳

後漢郭太注云郭泰也范曄避父諱作太字林宗太原界休人家世貧賤博通墳籍善談論美音制制音有節也遊洛陽始見河南尹李膺膺大奇之遂相友善名震京師後歸鄉里諸儒送至河上車數千兩林宗唯與膺同舟而濟膺送而賓客望之以為神仙焉

王忱被

張氏銅鈎

後漢王忱字少林廣漢新都人嘗詣京師於空舍中見一書生金彥疾困愁而視之生曰我命在須臾腰下有金十斤願以相贈歿後乞藏骸骨已而命絕忱鬻一斤營葬餘悉置棺下人無知者忱

一七列傳

後署大度亭長代領初到有馬馳入亭中而止其日大風飄一綉被復隨牝前即言之於縣縣以歸牝後乘馬到雒縣主人見之問所由得馬牝具說其狀并及綉被主人曰卿何陰德而致此牝因說葬書生事主人驚曰是我子也大恩久不報天以此彰卿德耳由是顯名仕郡為功曹

三輔決錄扶風張氏之先為郡功曹晨起當朝有鳩從承塵上承塵施於居處上飛下几前功曹曰鳩何來為禍飛上承塵為福飛入我懷開懷待之鳩乃飛入懷中探得銅鈎帶之官至數郡太守九卿有蜀客至長安私賂張氏婢婢賣鈎與蜀客客家喪禍懼而還張氏張氏得鈎復為二千石後失鈎張氏遂衰

丁公遠戮

雍齒先侯

前漢丁公薛人季布母弟師古氏此同為項羽將逐窘高祖彭城西短兵接高祖急顧謂丁公曰兩賢豈相厄哉丁公引兵還及項

羽滅丁公謂見高祖以丁公徇軍中徇行也曰丁公為項王臣不忠使項王失天下者也遂斬之曰使後為人臣無傲丁公也

見于張良傳

前漢高祖居雒陽南宮從復道望見復道閣道也上復諸將往往偶語偶語相對上問張良良曰陛下起布衣與此屬取天下今已為天子而所封皆蕭曹故人所親愛所誅者皆平生仇怨此屬畏陛下不能盡封又恐見疑過失及誅故相聚謀反耳上平生所憎羣臣所共知誰最甚者上曰雍齒與我有故怨數窘辱我我欲殺之為功多不忍良曰今急先封齒以示羣臣則人人自堅矣於是上置酒封齒為什方侯而急趣丞相御史定功行封羣臣罷酒皆喜曰雍齒且侯我屬無患矣○丁公名固

陳雷膠漆

范張雞黍

列傳一七

後漢陳重字景公豫章宜春人少與鄱陽雷義為友義字仲公太守舉重孝廉重以讓義太守不聽義明年舉孝廉俱在郎署署也

同上

後俱拜尚書郎。義代同時，人受罪，以此黜退。重見義去，亦以病免。
 義後舉茂才。茂才，取士科目。本曰秀才，避光武諱曰茂才。讓於重，不應命。鄉里為之語曰：膠漆自謂堅，不如陳與雷。三府同時俱辟。三府，大尉、司徒、司空。並至御史。後漢范式字巨卿，山陽金鄉人。少遊大學，與汝南張劭為友。劭字元伯，二人並告歸鄉里。式謂元伯曰：後二年當還，將過拜尊親，見孺子焉。注云：見其子也。孺子，稚子也。乃共剋期日。後期方至，元伯具以白母，請設饌以候之。候，候也。母曰：二年之別，千里結言，爾何相信之審？對曰：巨卿信士，必不乖違。母曰：若然，當為爾醢酒。醢，醢也。至其日，巨卿果到，升堂拜飲，盡歡而別。舊注引殺雞炊黍事，無載。據此，事不可闕。

周侯山嶷

會稽晉舉

世說曰：世目周侯嶷如斷山。嶷，高貌。注晉陽秋曰：嶷正情嶷然。雖一時儕類皆無敢媿迹。媿，狎也。周侯謂周顛也。
 世說曰：海西時，東晉廢帝奕，降為海西公。諸公每朝，朝堂猶暗，唯會稽王來軒

李布一諾

阮瞻三語

前漢李布楚人，任俠有名。任俠，解見十。頂籍使將兵，數窘高祖。淳如，困也。籍滅高祖，購求布千金，敢有舍匿罪三族。師古云：舍，止也。匿，隱也。右匡獲置廣柳車中。也。喪車。并與其家僮數十，之曾朱家所賣之。朱家心知其李布也，乃見汝陰侯滕公。師古云：夏，候嬰也。說曰：李布何罪，臣各為其主用職耳。頂氏臣可盡誅耶？今上始得天下，而以私怨求一人，何示不廣也？滕公言於上，上乃赦布。召見拜郎中，後為河東守。布初不說辯士曹丘生，生至揖布曰：楚人諺曰：得黃金百，不如得李布。諾。足下何以得此聲？梁楚之間哉？僕與足下俱楚人，使僕游揚足下名，顧不美乎？何距僕深也？布大說，引為上客。史記得黃金百斤，不如得李布諾。

七列傳

實譽

容止

列傳

晉阮瞻字千里始平太守咸之子性清虛寡欲自得於懷讀書不甚研求而默識其要遇理而辯辭不足而旨有餘見司徒王戎戎問曰聖人貴名教老莊明自然其旨同異瞻曰將無同將將然之則無同善修則同在我咨嗟良久即命辟之時謂之三語掾永嘉中為太子舍人瞻素執無鬼論自謂此理可以辯正幽明忽有客通名謁瞻瞻與之言良久及鬼神之事反覆甚苦客遂屈乃作色曰鬼神古今聖賢所共傳君何得獨言無即僕便是鬼於是變為異形須臾消滅瞻大惡歲餘病卒

郭文遊山 表宏泊渚

六列十傳

晉書郭文字文舉河內軹人少愛山水尚嘉遯易云嘉遯貞每游山林彌旬忘反父母終不娶辭家游名山洛陽陷西晉乃步擔入吳興餘杭大辟山中窮谷無人之地倚木於樹苔覆其上而居焉亦無壁障時猛獸為暴而文獨宿十餘年卒無患常著鹿裘葛巾不飲

六列十傳

酒食肉王導召置園中七年未嘗出入後逃歸臨安結廬山中晉袁宏字彥伯陳郡陽夏人有逸才文章絕美謝尚時鎮牛渚秋夜乘月與左右微服泛江微服變服使人不識也會宏在舫中諷詠聲滑辭文藻拔遣問焉遣人問之即迎升舟與譚論申且不寐申達自此名譽日茂謝安常賞其機對辯速後安為揚州刺史宏出為東陽郡乃祖道於治亭祖道謂餞也祭行神送行者餞千其側曰餞時賢皆集安欲以卒迫談之臨別執其手顧左右取一扇投之曰聊以贈行宏曰輒當奉揚仁風慰彼黎庶時人歎其率而要焉率也

黃琬對日 秦宓論天

一五列十傳

後漢黃琬字子琰江夏安陸人少辯慧祖父瓊初為魏郡太守建和元年正月日食京師不見瓊以狀聞太后詔問所食多少瓊對未知所况也况也琬年七歲在旁曰何不言日食之餘如月之初瓊大驚以其言應詔深奇愛之後瓊為司徒琬以公孫拜童子郎司徒

蜀志

三公也。故不就。知名京師。獻帝初遷大尉。坐免。及徙西都。起為司隸校尉。與司徒王允同謀誅董卓。為卓將李傕所害。

蜀志。秦宓字子勅。廣漢綿竹人。少有才學。拜長水校尉。吳遣使張溫來聘。百官往餞。溫歸。張眾集。而宓未往。丞相亮遣使促之。溫曰。

彼何人也。亮曰。益州學士也。及至。溫問曰。君學乎。宓曰。五尺童子。

皆學。宓曰。何必小人。溫復問曰。天有頭乎。宓曰。有。溫曰。在何方。

也。在西方。詩曰。乃眷西顧。宓曰。以此推之。溫曰。天有耳乎。宓曰。

天處高而聽卑。詩云。鶴鳴九臯。聲聞于天。宓曰。無耳何以聽之。

溫曰。天有足乎。宓曰。詩云。天步艱難。無足何以步之。溫曰。

天有姓乎。宓曰。姓劉。天子姓劉。以此知之。溫曰。日生於東乎。宓曰。

雖生於東。而沒於西。答問如響應聲。溫大敬服。宓之文辯皆此類。

舊本必誤作宓。

孟軻養素

楊雄草玄

十四列傳

史記孟軻鄒人。受業子思之門人。道既通。游事齊宣王。梁惠王皆

不能用。以為迂遠而闊於事情。是時天下方務合從連衡。以攻代

為賢。而孟軻乃述唐虞三代之德。是以所如者不合。退而與萬章

之徒序詩書。述仲尼之意。作書七篇。嘗曰。我善養吾浩然之氣。

貨以全真性。謂之養素。

十五列傳

前漢揚雄字子雲。蜀郡成都人。有田一壥。晉灼云。一壥。有宅一區。

世世以農桑為業。雄少而好學。不為章句訓詁。師古云。詁。通而已。

而大義博覽。無所不見。為人簡易。佚蕩張晏云。佚。口吃。不能劇談。

晉灼云。劇。甚也。疾也。默而好深湛之思。湛讀。清靜。亡為。少者欲。亡音。

無者與。不汲汲於富貴。不戚戚於貧賤。師古云。汲。汲。欲。速。不修廉

隅。以微名當世也。徵。要。家產不過十金。乏無擔石之儲。晏如也。擔。負。

一石為石。再石為儻。言人儻之也。晏。安也。自有大度。非聖哲之書不好。非其意。雖富貴

不事。哀帝時。丁傅董賢用事。傳。哀帝。母。丁氏。凡。明。諸附離之音。師古。

善也。或起家至二十石。時雄方草太玄。有以自守泊如也。泊安或靜也。謝雄以玄尚白。雄解之。號曰解。謝容有難玄太深。衆人之不好。雄解之。號曰解難。

向秀聞笛 伯牙絕絃

晉書向秀字子期河內懷人。清悟有遠識。少為山濤所知。雅好老莊之學。莊周內外篇。歷世雖有觀者。莫適論其旨。統秀乃為之解。發明奇趣。振起玄風。讀之者超然心悟。郭象又述而廣之。儒墨之迹。見鄙道家之言。遂盛焉。嵇康善鍛。秀為之佐。相對欣然。旁若無人。康誅秀入洛。作思舊賦云。愁博綜技藝。於絲竹特妙。臨當就命。就刑也。顧視日影。索琴而彈之。逝將西邁。西邁之京。經其舊廬。舊廬之于時日薄虞泉。虞泉日入處也。寒水淒然。鄰人有吹笛者。發聲寥亮。寥亮高遠也。追想曩昔游宴之好。感音而歎。故作賦云。後為散騎常侍。在朝不任職。容迹而已。

列子曰。伯牙善鼓琴。鐘子期善聽。伯牙鼓琴。志在高山。子期曰。善哉。巍巍乎若泰山。巍巍高大貌。志在流水。子期曰。善哉。洋洋兮若江河。洋洋大水貌。伯牙所念。子期必得之。呂氏春秋曰。鐘子期死。伯牙破琴絕絃。終身不復鼓琴。以為無足為鼓者。

郭槐自屈 南康猶憐

晉書賈充字公閭。平陽襄陵人。前妻李豐女。豐誅李氏。坐流徙。後娶郭槐。名槐。郭配女。號廣城君。武帝踐阼。李以赦還。特詔充置左右。夫人郭槐性妬忌。怒攘袂數充曰。刊定律令。定律令為佐命之功。我有其分。李那得與我並。充乃為李築室於永平里。而不往來。惠帝為太子。納槐女為妃。槐欲省李氏。充曰。彼有才氣。卿往不如不往。及女為妃。乃盛威儀而去。去行也。既入戶。李氏出迎。槐不覺脚屈。因遂再拜。自是充每出。槐使人尋之。恐其過李氏。李氏叔美有才行。作女訓。行於世。舊本槐作隗。非。

列傳

列傳

列傳

世說曰桓温尚明帝女南康公主温平蜀以李勢妹為妾

其有寵嘗著別齋後嘗與常通主聞與數十婢拔刀襲之值李梳

頭髮垂地姿貌端麗乃徐下地結髮斂手向主曰國破家亡無心

至此今日若能見殺猶生之年神色閑正辭氣悽惋悽惋悲至於

是擲刀前抱之曰我是汝亦憐何況老奴遂善遇之

魯其馴雉

宋均去獸

後漢魯恭字仲康扶風平陵人肅宗時拜中牟令專以德化為理

也治不任刑罰郡國螟傷稼犬牙綠界不入中牟地相交河南

尹袁安聞之疑其不實使仁恕掾肥親往廉之廉察恭隨行阡陌

俱坐桑下有雉過止其傍傍有童兒親曰兒何不捕之兒言雉方

將雛親瞿然起與恭訣曰訣別所以來者欲察君政迹耳今蟲不

犯境化及鳥獸豎子有仁心三異也還府以狀白安是歲嘉禾生

恭便坐庭中安上書言狀帝異之在事二年州舉尤異去官吏人

思之後為司徒性謙退奏議依經潛有補益然不自顯故不以剛

直為稱

後漢宋均字叔庠南陽安衆人光武時遷九江太守郡多虎暴數

為民患常募設檻穽穽殺虎者又設檻穽為猶多傷害均到下

記屬縣曰夫虎豹在山鼉鼉在水各有所託且江淮之有猛獸猶

北土之有雞豚也今為民害咎在殘吏而勞動張捕非憂恤之本

可一去檻穽其後傳言虎相與東游度江

廣安蛇影

殷師牛鬪

晉書樂廣字彥輔南陽清陽人遷河南尹常有親客親睦之久闊

不復來疏久遠廣問其故答曰前在坐蒙賜酒方飲忽見盃中有蛇

意甚惡之既飲而疾干時河南廳事壁上有角弓用角飾漆畫作

蛇廣意盃中蛇即角弓影也復置酒於前處謂客曰盃中復有所

見不答曰所見如初廣乃告其所以客豁然意解沈疴頓愈廣所

十

在為政無當時譽每去職遺愛為人所思凡論人必先稱其所長則所短不言而自見後代王戎為尚書令始戎薦廣而終踐其位代戎而時人美之

晉殷仲堪陳郡人父師晉陵太守初師病積年仲堪衣不解帶躬學醫術究其精妙執藥揮淚遂眇一目居喪毀以孝聞孝武帝召為中庶子甚相親愛其父仲堪堂患耳聰聞林下蟻動謂之牛鬪

帝素聞之而不知其人至是問仲堪曰患此者為誰仲堪流涕而起曰臣進退維谷進退維谷帝有愧焉仲堪能清言每云三日不讀道德論便覺舌本間彊其談理與韓康伯齊名後假節鎮江陵為桓玄追兵逼殺九

元禮模楷

季彥領袖

後漢李膺字元禮潁川襄城人性簡亢無所交接舉孝廉高第遷河南尹及黨議起流言轉入大學諸生三萬餘人郭林宗賈偉節

為其冠並與膺陳蕃王暢更相敬重學中語曰天下模楷李元禮不畏彈禦陳仲舉詩云不畏疆禦仲舉蕃字天下俊秀王叔茂暢字張成善風

角角隅也候四隅之風以知吉凶推占當前知教子殺人膺按殺之其子子上

書告膺等共為部黨誹訕朝廷桓帝震怒逮捕黨人收執膺等後赦歸田里禁錮終身而黨名猶書王府由是海內共相標榜注云

猶稱揚也榜注云榜古字通指名士為之稱號上曰三君劉淑陳蕃為三君

次曰八俊李膺荀昱杜密王暢劉祐魏朗八顧郭林宗宗慈巴肅趙典朱寓為八俊俊者人英也八顧顧者言下八及張儉岑暉劉表陳翔孔昱范滂

能德行引人者也八及張儉岑暉劉表陳翔孔昱范滂八顧者言能以財故人者也猶古之八元八凱

也元善也凱和也見傳膺拜司隸校尉諸黃門常侍皆鞠躬屏氣休沐不敢復出宮省是時朝廷綱紀縶縶壞也膺獨持風裁風裁別也豎以聲名自高士有被其容接者名為登龍門靈帝時曹節諷有司奏捕前黨皆死獄中

四五十傳

七五十傳

校正蒙 卷上

晉裴秀字季彥河東聞喜人少好學有風操八歲能屬文叔父徽有盛名賓客甚衆秀年十餘歲有詣徽者出則過秀秀母賤也嫡母宣氏不之禮嘗使進饌於客見者皆為之起母曰秀微賤如此當應為小兒故也宣氏知遂止之不復使時人為之語曰後進領袖有裴秀領神言為武帝時為司空秀儒學洽聞留心政事以職在地官作禹貢地域圖奏之藏於祕府制圖之體有六一曰分率所以辨廣輪之度東西為廣南北為輪二曰準望所以正彼此之體三曰道里所以定所由之數四曰高下五曰方邪六曰迂直此六者各因地而制宜所以校夷險之異

曾侯錢神

崔烈銅臭

晉書曾侯字元道南陽人好學多聞以貧素自立元康之後綱紀大壞褒傷時貪鄙乃隱姓名而著錢神論以刺之其略曰親之如兄字曰孔方失之則貧弱得之則富昌無翼而飛無足而走解嚴

殺之頗開難發之口錢多者處前少者居後錢之所祐吉無不利何必讀書然後富貴昔呂公欣悅於空版漢書呂公客於沛往賀高祖給一錢賀錢萬實不持一錢漢高克之於贏克負荷也贏餘也高祖微時從咸陽吏皆送錢三百高蓋而解犢鼻如錢十萬也官尊名顯皆錢所致無德而尊無勢而熱排金門而入紫闥危可使安死可使活貴可使賤生可使殺諺曰錢無耳可使鬼凡今之人唯錢而已疾時者傳其文後莫知所終

後漢崔烈涿郡安平人有重名於北州歷郡守九卿靈帝時闕鴻都門榜賣官爵懸榜示告公卿以下皆有差富者先入錢貧者到官而後倍輸或因常侍阿保別自通達注云阿母保謂傳也是時段熲等雖有功勲名譽然皆先輸貨財而後登公位烈因傳母入錢五百萬為司徒嘗問其子鈞曰吾居三公於議者如何鈞曰大人亦有英稱歷

校王崇 卷上

位。卿守人謂當為三公。今登其位。天下失望。烈曰。何為然也。鈞曰。論者嫌其銅臭。後拜大尉。董卓既誅。拜城門校尉。

梁竦廟食

趙溫雄飛

後漢梁竦字叔敬。安定烏氏人。閉門自養。以經籍為娛。著書數篇。名曰七序。班固見而稱曰。孔子著春秋。而亂臣賊子懼。梁竦作七序。而竊位素餐者慙。竦自負其才。鬱鬱不得意。嘗登高遠望。歎息言曰。太大夫居世。生當封侯。死當廟食。如其不然。閑居可以養志。詩書足以自娛。州郡之職。徒勞人耳。後辟命不就。肅宗納其二女。皆為貴人。小貴人生和帝。竦皇后。養以為子。諸竇恐梁氏得志。為己害。遂譖殺二貴人。而陷竦以惡逆。死獄中。和帝立。追封褒親愍侯。

後漢趙溫字子柔。蜀郡成都人。初為京兆郡丞。歎曰。大丈夫當雄飛。安能雌伏。遂弃官去。歲饑。散家糧。振窮餓。所活萬餘人。獻帝西

遷還都。遂為三公。

枚乘蒲輪

鄭均白衣

前漢枚乘字叔淮。陰人。為吳王濞郎中。王謀為逆。乘奏書諫。王不用。卒見禽滅。乘由是知名。景帝召拜弘農都尉。乘久為大國上賓。與英俊並游。不樂郡吏。以病去官。復遊梁。及孝王薨。歸淮陰。武帝即位。乘羊老。適以安車蒲輪徵乘。師古云。安車。半乘之。道死。後漢鄭均字仲虞。東平任城人。少好黃老。書建初中。舉直言。不詣公車。特徵。羊祐識環下。再遷尚書。數納忠言。肅宗重之。後告歸。帝東巡。乃幸均舍。勅賜尚書祿。月七十石。以終其身。時號為白衣尚書。

陵母伏劍

朝親斷髮

前漢王陵沛人。高祖起。陵亦聚黨數千人。及高祖擊項羽。適以兵屬漢。羽取陵母。置軍中。陵使至。則東向坐。陵母以招陵。陵母私送

四列傳十

下七傳

一二十列傳

十七列傳

十列傳

使者泣曰為妾語陵善事漢王漢王長者母以老妾故持二心無妾以死送使者遂伏劍而死上音母

古列女傳鄒孟軻母其舍近墓孟子少嬉遊新刻本作好遊非為

墓間之事孟母曰此非吾所以居處子也乃去舍市傍其嬉戲乃

賈人銜賣之事媒也又曰此非吾所以居處子也復徙舍學官之

旁其嬉戲乃設俎豆揖讓進退孟母曰真可以居吾子矣遂居及

孟子既學而歸孟母問學所至孟子曰自苦也孟母以刀斷其織

曰子之廢學若吾斷斯織也孟子懼且夕勤學不息師事子思遂

成名儒君子謂孟母知為人母之道

四卷

齊后破環

謝女解圍

戰國策曰齊閔王遇弒其子法章變姓名為魯太史家庸夫備與

太史敷女奇其狀貌以為非常人憐而常竊衣食之與私焉通法

章立是為襄王以太史氏女為王后襄王卒子建立后事秦謹與

諸侯信以故建立四十餘年不受兵此言也秦昭王嘗使使者遺后

玉連環兩環相貫曰齊多智解此環不后以示羣臣羣臣不知解后引

推推破之謝秦使曰謹以解矣

列女傳

晉王凝之妻謝氏字道韞聰識有才辯叔父安嘗問詩何句最佳

道韞稱吉甫作誦穆如清風仲山甫永懷以慰其心大雅烝安謂

有雅人深致言鑿實有雅人深致又嘗內集俄而雪驟下安曰何所以也安

兄子朗曰撒鹽空中差可擬道韞曰未若柳絮因風起安大悅凝

之弟獻之嘗與賓客談議詞理將屈道韞遣婢白獻之曰欲為小

郎解圍乃施青綾步障自蔽申獻之前議客不能屈

列女傳

敬妻魯人牘

荀勗音律

晉書習鑿齒字彥威襄陽人少有志氣博學洽聞以文筆著稱荆

州刺史桓温辟為從事累遷別駕温出征伐鑿齒或從或守所在

任職每處機要莅事有績善尺牘論議温甚器遇之出為滎陽太

守時溫親親非望非望欲得也鑿齒在郡著漢晉春秋以裁正之起漢光武終晉愍帝後徵典國史會平初鑿齒嘗與綽共行綽性通率不瑣也好譏調時綽在前顧鑿齒曰沙之汰之瓦石在後也沙汰也鑿齒曰鯀之颺之颺去也獠批在前也獠批也

晉荀勗字公曾潁川潁陰人漢司空爽曾孫岐嶷夙成岐嶷小兒有知也十餘歲能屬文長博學達於從政武帝受禪拜中書監加侍中領著作與賈充共定律令既掌樂事又修律呂並行於世初勗於路逢趙賈人牛鐸牛所擊鐸也識其聲及掌樂音韻未調乃曰得趙之牛鐸則諧矣遂下郡國悉送牛鐸果得諧者又嘗在帝坐進飯謂在坐人曰此勞薪所炊帝遣問膳夫實用故車脚舉世伏其明識後守尚書令守者未為真也勗久在中書專管機事及失之甚悵悵或有賀之者勗曰奮我鳳凰池中書省以樞近之地多泉龍任人因其位謂之鳳凰池諸君賀我耶初太子婚未定勗與左衛將軍馮統伺帝間並稱賈充女才色絕世遂成婚當時甚為正直者所疾而獲佞媚之譏帝素知太子闇弱恐後亂國遣勗及和嶠往觀之勗還盛稱太子之德而嶠云太子如初於是天下貴嶠而賤勗

胡威推線

陸績懷橘

晉書胡威字伯武淮南壽春人父質以忠清稱仕魏為荊州刺史威自京都定省安否問父家貧無車馬僮僕自驅驢單行既至見父而歸父賜絹一匹威曰大人清高何得此絹答曰是吾俸祿之餘威受之辭歸卒取與質帳下都督後為徐州刺史勤於政術風化大行入朝武帝謂曰卿孰與父清對曰臣父清恐人知臣清恐人不知是臣不及遠也

吳志陸績字公紀吳人年六歲於九江見袁術術出橘績懷三枚去拜辭墮地術謂曰陸郎作賓客而懷橘乎績跪曰欲歸遺母術大奇之績博學多識星歷算數無不該覽孫權辟為掾以直道見

憚出為鬱林太守。加偏將軍。左將績意在儒雅。非其志也。將軍之志也。雖有軍事。著述不廢。作渾天圖。注易釋玄。皆傳於世。

羅含吞鳥

江淹夢筆

晉書。羅含字君章。桂陽耒陽人。幼孤。為叔母朱氏所養。少有志尚。嘗畫臥夢。一鳥文彩異常。飛入口中。因起驚說之。朱氏曰。鳥有文彩。汝後必有文章。自此藻思日新。藻思。文也。江夏守謝尚稱曰。君章可謂湘中之琳琅。桓温以為江左之秀。累遷長沙相。致仕。加中散大夫。門施行馬。行馬。解見于初舍在官舍。有一白雀。栖集堂宇。及還家。階庭忽蘭菊叢生。以為德化之感。

九四列十傳

南史。江淹字文通。濟陽考城人。少孤貧。嘗慕司馬長卿。梁伯鸞之為人。不事章句之學。留情文章。任齊為侍中秘書監。入梁。至金紫。光祿大夫。淹以文章顯。晚節才思微退。云為宣城太守。時罷歸。夢一人自稱張景陽。張景陽。字景陽。謂曰。前以一匹錦相寄。今可見還。

淹探懷中得數尺。與之。此人大恚曰。那得割截都盡。願見年。淫謂曰。稱辭采。鹿蹟。餘此數尺。既無所用。以遺君。自爾淹文章蹟矣。又嘗夢一丈夫自稱郭璞。謂曰。吾有筆在卿處多年。可以見還。淹乃探懷中得五色筆一。以授之。爾後為詩絕無美句。時人謂之才盡。

李慶清貞

劉麟晉回率

世說。李慶。茂曾第五子。清貞。有遠操。少羸病。不肯婚官。王丞相王丞相。王導。欲招禮之。辟為府掾。慶得牋命。笑曰。茂弘茂弘。導字。導字乃復以爵假人。為貨。欲為我。矣。

晉書。劉麟之字子驥。南陽人。少尚質素。虛退寡欲。不修儀操。儀操。威儀。入莫之知。好游山澤。志存邈逸。車騎將軍桓冲聞其名。請為長史。

四六千晉傳

麟之固辭。居于陽岐。來往莫不投之。來往。諸君。必投。麟之躬自供給。士君子頗以勞累。更憚過焉。凡人致贈。一無所受。世說載麟之高率。高率。尚。

真善史傳。

蔣詡三逕

許由一瓢

前漢蔣詡字元卿杜陵人為兗州刺史以廉直為名王莽居攝以病免歸鄉里三輔決錄曰詡舍中竹下開三逕唯故人求仲羊仲

從之遊衣仲羊仲皆隱士也時稱一仲

逸士傳許由隱箕山無盂器以手捧水飲之人遺一瓢得以操飲

飲訖掛於木上風吹漈漈有聲每風吹瓢時有聲如水下滴有由以為煩遂去之

楊僕移關

杜預建橋

前漢楊僕宜陽人武帝時為樓船將軍初函谷關在弘農僕既有功耻為關外民上書乞徙東關以家財給其用度於是徙於新安去弘農三百里以故關為弘農縣

晉書杜預字元凱京兆杜陵人博學多通明於興廢之道常言德不可以企及立功立言可庶幾也尚文帝妹高陸公主拜尚書郎武帝時拜度支尚書預以五津渡險有覆沒之患請建河橋于官

平津議者以為殷周所都歷聖賢而不作者必不可立也預曰造舟為梁大雅大明詩云則河橋之謂也及橋成帝從百僚臨會舉觴屬預曰非君此橋不成對曰非陛下之明臣亦不得施其微巧

壽王議鼎

杜林駁堯

前漢吾丘壽王字子贛趙人為光祿大夫汾陰得寶鼎薦見宗廟藏於甘泉宮羣臣皆賀得周鼎壽王獨以為非武帝問之對曰臣聞周德始乎后稷長於公劉公劉后稷曾孫大於大王大王古公重甫成於文武顯於周公德澤上昭天下漏泉師古曰漏言潤澤下露如屋之漏無所不通上天報應鼎為周出故名曰周鼎今漢自高祖繼周至於階下恢廓祖業功德愈盛天瑞並至珍祥畢見天祚有德而寶鼎自出迺漢寶非周寶也上曰善賜黃金十斤

後漢杜林字伯山扶風茂陵人拜侍御史大議郊祀制多以為周郊后稷郊祀禮記天漢當祀堯詔下公卿議議者僉同光武亦然之林

列傳十七

列傳十四

漢書卷一百一十四

四十一

獨以為周室之興祚由后稷漢業特起功不緣堯祖宗故事所宜因循定林議終大司空

西施捧心

孫壽折腰

莊子曰西施病心而曠其里病心曠也其里之醜人見而美之歸亦捧心而曠其里彼知美曠而不知曠之所以美而後可西施越女所謂西子也有絕世之美越王勾踐獻之吳王夫差夫差嬖之卒至傾國

列傳 四十二

後漢梁冀為大將軍其妻孫壽封襄城君加賜赤紱赤紱朱比長公主長公主壽色美善為妖態作愁眉嗔妝墮馬髻折腰步齟齬笑愁眉者細而申折喘妝者薄拭目下若啼處墮馬髻者側以為媚惑性鉗忌能制御冀鉗鉤也言性忌害冀甚寵憚之及冀敗自殺

靈輒扶輪

魏顆結草

宣公 二年

左傳曰晉靈公不君杜注失趙宣子驟諫公患之飲宣子酒伏甲將攻之公嗾夫葵葵使犬也葵猛犬也爾雅云狗曰葵其車右提彌明搏殺之宣子曰弄人用犬雖猛何為不養士鬪且出與伏兵且明死之初宣子田於首山杜注田舍于翳桑桑之夕陰翳者見靈輒餓不食三日宣子食之舍其羊問之曰宦三年矣宦學也未知母之存否今近焉杜注去請以遺之使盡之而為之簞食與肉宣諸豪以與之既而與為公介靈輒為甲士倒戟以禦公徒而免之問何故對曰翳桑之餓人也問其名居所居不告而退不望報也遂自亡也輒亦去靈輒扶輪徐子光注闕扶輪事左傳亦不載其事詳說引一本蒙求繼明死下曰將乘車公已令人脫一輪輒以臂承輒馳行不言所出然李翰題曰扶輪心有所據矣書以待博覽之子

宣公 五年

左傳曰晉魏顆武子之子初武子有嬖妾無子武子疾命顆曰必嫁是疾病則曰必以為殉用人送死曰殉及卒顆嫁之曰疾病則亂命吾從其治也初命也及敗秦師于輔氏杜注輔氏晉地獲杜回秦之

力人也。穎見老人結草以充杜回杜回，注元杜回，蹟而顛也。故獲之夜夢之。曰：余而所嫁婦人之父也。爾用先人之治命，余是以報。

逸少傾寫 平子絕倒

晉書：王羲之字逸少，司徒導從子。年十三，謁周顛。顛異之時，重牛心炙，坐客未噉，顛先割啗之。噉，食也。於是始知名。及長，辯瞻以骨體稱，骨體剛毅也。體一作骨。世謂羲之為骨鯁。尤善隸書，為古今之冠。太尉郗鑒使門生求女婿於導，導令徧觀子弟。門生歸謂鑒曰：王氏諸少並佳，然聞信至，咸自矜持。古人謂使者曰：惟一人在東床坦腹食，露腹於外。獨若不聞。鑒曰：正此佳婿邪！訪之，乃羲之也。遂妻之。仕至右軍將軍，會稽內史。世說曰：郗夫人謂二弟司空、中郎曰：王家見二謝傾筐倒屣，傾，倒也。見汝來，平平耳，無煩復往。故曰：二弟情與墨也。二謝安右與萬石也。

列傳五

列傳六

辰等親友集會日也。親友時請一言，無不次嗟，以為入微。王澄字平子，有高名，少所推服。每聞玠言，輒歎息絕倒。絕倒，極笑也。時人為之語曰：衛玠談道，平子絕倒。澄及王玄、王濟並有盛名，皆出玠下。世云：王家三子不如衛家一兒。見衍有人倫之鑒。尤重澄。衍為澄及王敦、度、敦、仲第三，由是顯名。有經澄所題目者，衍不復有言，輒云：已經平子矣。為荆州刺史，為王敦所害。劉琨聞澄為敦所殺，歎曰：澄自取之。

澹書毀璧 子罕辭寶

博物志曰：澹臺字子羽。澹臺，滅明字子羽。澹臺，複姓，滅明名。渡河，齎千金之璧于河。河伯欲之，至陽侯波起。陽侯，大波神。兩蛟挾船，子羽左操璧，右操劍，擊蛟皆死。既渡，三投璧于河。河伯躍而歸之。子羽毀而去。左傳曰：宋人得玉，獻諸司城子罕。子罕弗受。獻玉者曰：以示玉人，玉人以為寶，故獻之。子罕曰：我以不貪為寶，爾以玉為寶。若以與我，皆喪寶也。不若人有其寶。

五哀

東平為善 司馬稱好

三列十傳

後漢東平憲王蒼顯宗同母弟少好經書雅有智思顯宗愛重之拜驃騎將軍位三公上王既還國後朝京師上問王處家何等最樂王言為善最樂肅宗立恩禮踰於前世既薨帝東巡守幸其宮追感念蒼謂其子曰思其人至其鄉其處在其人亡因泣下幸其陵祠以太牢

後漢書無傳

後漢司馬徽字德操潁川人口不談人之短與人語莫問好惡皆言好有鄉人問徽安否答曰好有人自陳子死答曰大好妻責之曰人以君有德故相告何忽聞人子死使言好徽曰卿言亦大好

公超雲梯 魯般雲梯

六二列十傳

後漢張楷字公超成都人家河南通春秋尚書本傳云通嚴氏門徒常百人自父黨風儒偕造門車馬填街徒從無所止舍黃門貴戚家皆起舍巷次以候過客往來之利楷疾其如此疾其利輒從避

之後隱弘農山中學者隨之所居成市華陰山南遂有公超市五府連辟五府太傅太尉司徒司空太將軍也舉賢良方正不就性好道術能作五里霧後安車聘之以疾辭安車解見千枚乘輪下

淮南子曰楚欲攻宋墨子聞而悼之宋人見楚王曰臣見大王之必傷義而不得宋王曰公輸天下之巧士作為雲梯之械設以攻

宋曷為弗取墨子曰令公輸設攻臣請守之於是公輸般設攻宋之械墨子設守宋之備九攻而墨子九却之弗能入乃偃兵不攻公輸魯般也

田單火牛 江道熟雞

三二列十傳

史記田單齊諸田疏屬也為臨淄市掾不見知及燕使樂毅伐破齊盡降齊城而單得脫東保即墨燕人攻之單乃收城中牛千餘牛為絳繒衣畫五彩龍文束兵刃於其角灌脂束葦於尾燒其端鑿城數十穴夜縱牛壯士五千人隨其後牛尾熟怒而奔燕

軍燕軍夜大驚視之皆龍文所觸盡死傷五千人因擒救擊之城
中鼓譟從之老弱皆擊銅器為聲聲動天地燕軍大敗遂復齊七
十餘城迎襄主於莒王封單號安平君

三列傳

晉江迥字道載陳留圉人。中軍將軍殷浩請為諮議參軍。遷長史。
時羗及丁零叛。皆西戎。浩軍震懼。姚襄去。浩十里結營。姚襄即以
逼浩。浩令迥擊之。迥進兵至襄營。謂將校曰。今兵非不精。而眾少
於羗。且其塹柵甚固。難與校力。吾當以計破之。乃取數百鷄。以長
繩連之。繫火於足。羗雞駭散。飛集襄營。營火發。因其亂而擊之。襄
遂小敗。迥後遷大常。

蔡裔阻盜

張遼止啼

七列傳

晉書蔡裔為兗州刺史。有勇氣。聲若雷震。嘗有三盜入室。裔拊床
一呼。而盜俱隕。隕。隕與殞通。故殷浩為中軍將軍。北征。以裔鋒焉。
魏志。張遼字文遠。雁門馬邑人。武力過人。數有戰功。將

累轉前將軍。舊注曰。江東小兒啼怖之曰。遼來遼來。無不止者。

陳平多轍

李廣成蹊

七列傳

前漢陳平。陽武戶牖人。少家貧。好讀書。治黃老術。為人長大美色。
及長。可取婦。取。與娶通。富人莫與者。貧者平亦媿之。久之。富人張負
有女孫。五嫁。夫輒死。人莫敢取。平欲得之。負偉平。師古云。以平為奇偉。隨至
其家。迺負郭窮巷。負背也。以席為門。然門外多長者車轍。負歸謂
其子仲曰。吾欲以女孫予陳平。仲曰。平貧不事事。上事。管也。治也。一縣中
盡笑其所為。奈何。予之。女。負曰。固有美如陳平。長貧者乎。卒與女。
予酒肉資。以內婦。戒其孫曰。毋以貧故事人。不謹。里中社。平為宰。
分肉甚均。父老善之。平曰。使平得宰天下。亦如此肉矣。從高祖為
護軍中尉。盡護諸將。出黃金四萬斤予平。次所為不問出入。平多
以金縱反間於楚軍。自初從高祖。從至天下定。凡六出奇計。定封
曲逆侯。惠帝時。為左丞相。呂后時。為右丞相。又相文帝。乃薨。

前漢李廣隴西成紀人。世世受射法。武帝時拜右北平太守。匈奴號曰漢飛將軍。避之。數歲不入界。廣出獵。見草中石。以為虎而射之。中石沒矢。言矢入深谷。初視之石也。他日射終不能入。廣歷七郡太守。

前後四十餘年。得賞賜輒分其戲下。戲讀曰。戲。飲食與士卒共之。寬緩不苛。士樂為用。元狩中。為前將軍。從大將軍衛青擊匈奴。惑失道。青欲上書報天子失軍。曲折師古云。曲折。猶委曲也。長史責廣之。幕府上簿。

幕府。衛青行軍府。師古云。簿。謂文狀也。廣謂其麾下曰。廣結髮與匈奴大小七十餘戰。始結髮。謂今又迷失道。豈非天哉。且廣年六十餘。不能復對刀筆吏矣。師古云。古者用簡牘。以刀削。遂引刀自剄。百姓聞之。知與不

知。老壯皆為垂泣。贊曰。李將軍恂恂如鄙人。師古云。恂。誠謹貌。口不能出辭。及死之日。天下知與不知。皆為流涕。彼其中心誠信於士大夫也。諺曰。桃李不言。下自成蹊。此言雖小。可以喻大。師古云。桃李。喻人。能使誠信。

陳遵投轄 山簡倒載

列傳 十六

前漢陳遵字孟公。杜陵人。為京兆史。放縱不拘。不拘。禮節。後為校尉。擊賊有功。封嘉威侯。居長安中。列侯近臣貴戚。皆貴重之。牧守當之。官及郡國豪傑。至京師者。莫不相因。到遵門。遵嗜酒。每大飲。賓客滿堂。輒關門。閉取客車轄。投井中。雖有急。終不得去。

列傳 十三

晉山簡字季倫。司徒濤之子。溫雅有父風。永嘉中。為征南將軍。鎮襄陽。四方寇亂。天下分崩。朝野危懼。簡優游卒歲。唯酒是耽。諸習氏荆土豪族。有佳園池。後漢侍中習郁。依范蠡養魚。法作魚池。所謂習家池是也。在襄陽府南八里。簡每出多之池上。置酒輒醉。名之曰高陽池。漢酈生自稱高陽。時有童兒。歌曰。山公出何許。許所往。至高陽池。日夕倒載歸。酩酊無所知。

甚。酩酊。時時能騎馬。倒著白接羅。羅。一作羅。接。舉鞭向葛。強何如。并州兒。呼為并州兒。強家在并州。簡愛將也。

淵客泣珠 交甫解佩

舊注引博物志云。鮫人從水中出。向人家寄任。積日賣。綃生白

薄如蟬。臨去從主人索器。泣而出。珠滿盤。以與主人。今本無載。行

物志。世傳左思吳都賦。泉室潛織而卷綃。淵客慷慨而泣珠。淵客

蓋鮫人也。述異記曰。南海中有鮫人室。水居如魚。不廢機織。其眼

能泣。則出珠。

列仙傳。江妃二女。皆麗服華裝。佩兩明珠。大如雞卵。遊於江漢之

湄。逢鄭交甫。交甫說之。不知其神也。遂下與言曰。願請子之佩。二

女解佩以與。交甫受而懷之。趨去數十步。視其懷。空無佩。顧二女

忽然不見。

龔勝不屈 孫寶自劾

前漢龔勝字君賓。舍字君倩。楚人。二人相友。並著名節。世謂楚兩

龔。哀帝時。勝為光祿大夫。王莽秉政。乞骸骨。莽後遣使。即拜講學

祭酒。師古云。即就也。就其家而拜之。稱疾不應。復遣使者。奉璽書。太子師友祭酒

印綬。安車駟馬。與郡太守。縣長吏官屬。諸生千人以上。入里致詔。

勝稱病篤。東首加朝服。把紳。師古云。把引也。紳。大帶。勝曰。吾受漢

家厚恩。亡以報。今老且暮。入地。誰豈以一身事二姓。下見故主哉。

語畢。不開口。飲食積十四日。死。舍通五經。拜太山太守。數月乞骸

骨。哀帝使使者拜光祿大夫。數賜告。終不起。舍勝歸鄉。二千石長

吏初到官。皆至其家。如師弟子之禮。

前漢孫寶字子嚴。潁川鄆陵人。以明經為郡吏。御史大夫張忠辟

為屬。欲令授子經。寶自劾去。上狀。自劾。後署主簿。寶徙入舍。忠怪

使所親問曰。前大夫為君設除大舍。師古云。除。謂子自劾去者。欲

為高節也。今兩府高士。丞相。御俗不為主簿。子既為之。徙舍甚說

何前後不相副也。寶曰。高士不為主簿。而大夫君以寶為可。一府

莫言非。士安得獨自高。前日君男欲學文。師古云。文。謂書也。移寶自述。禮

有來學。義無往。教道不可誣。身誣何傷。且不遭者。師古云。士不可

無不為况主簿乎。忠聞之慙。上書薦寶。平帝時為大司農。

呂安題鳳 子猷尋戴

世說曰。嵇康與呂安善。每一相思。千里命駕。安後來。值康不在。喜出戶。延之。之喜。康不入。題門上作鳳字而去。喜不覺。慢已。猶以為忻。鳳字。凡鳥也。意以為凡鳥。不足與談。

列傳 五

晉王徽之字子猷。右軍羲之之子。性卓犖。不羈。卓犖。超絕也。為大司馬桓溫參軍。蓬首散帶。蓬。首髮不攝也。不綜。府事。綜。理也。嘗寄居空宅中。寄居。非便。令種竹。或問其故。徽之但嘯詠。指竹曰。何可一日無此君邪。嘗居山陰。夜雪初霽。月色清朗。四望皓然。獨酌酒。詠左思招隱詩。忽憶戴逵。時逵在剡。逵。隱者也。故詠招隱詩。憶便夜乘小船詣之。經宿方至。造門不前而反。人問其故。曰。本乘興而行。興盡而反。何必見安道邪。安道。官至黃門侍郎。

董宣彊項 翟璜直言

列傳 六 七

後漢董宣字少平。陳留圉人。光武時為洛陽令。時湖陽公主蒼頭。漢名奴。曰蒼頭。白日殺人。匿主家。吏不能得。及主出。以奴驂。無頭。蒼頭候之。駐車叩馬。牽馬也。通大言數主之失。數責叱奴下車。因格殺之。格。殺不用器械也。主訴帝。帝怒。召宣欲笞殺之。宣叩頭曰。請願一言而死。曰。陛下聖德中興。而縱奴殺良人。何以理天下。臣不須笞。請自殺。即以頭擊楹。流血被面。帝使宣謝主。宣不從。強使頭之。兩手據地。終不肯俯。主曰。文叔為白衣時。藏亡匿死。亡。命也。死。罪也。吏不敢至門。今為天子。威不能行。下令乎。帝笑曰。天子不與白衣同。因勅強項令出。賜錢三十萬。宣悉以班諸吏。由是搏擊彊。京師號為臥虎。歌之曰。枹鼓不鳴董少平。枹。擊鼓也。杖也。字。文叔。光武字也。

新序曰。魏文侯與士大夫坐。問曰。寡人何如君也。羣臣皆曰。君仁君也。次至翟璜。曰。君非仁君也。君伐中山。不以封君之弟。而以封

君之長子。臣以此知之。文侯怒。逐璜。璜起而出。次至任座。文侯問之。對曰。君仁君也。臣聞其君仁者。其臣直。向翟璜之言直。是以知也。文侯曰。善。召翟璜。入拜為上卿。舊本翟璜誤作任座。

紀昌學射

養由號後

列子曰。甘蠅。古之善射者。設弓而獸伏鳥下。言獸鳥不取。逸飛衛學射於甘蠅。而巧過其師。紀昌學射於飛衛。衛曰。爾先學不瞬。瞬。目自而後。可。言射。昌歸。偃臥。其妻之機下。以目兼牽挺。注云。牽挺。機。瞬也。隨。足。上。下。者。也。二年之後。雖錐末倒。皆而不瞬。以告衛。衛曰。未也。學視而後。可。視小。如大。視微如著。而後告我。昌以釐懸虱於牖。而望之。釐。長。旬。日。之間。寢。大也。三年之後。如車輪焉。以視餘物。皆丘山也。乃以燕角之弧。朔蓬之藋。射之。藋。箭。藋也。以燕之角。為弓。以蓬之精者。貫虱之心。而懸不絕。舊本紀昌誤作甘蠅。

訓山

淮南子曰。楚王有白猿。自射之。則搏矢而熙。熙。戲也。戲使養由基射之。

馮衍歸里

張昭塞門

後漢馮衍字敬通。京兆杜陵人。幼有奇才。博通羣書。王莽時。不肯仕。常好做儻之策。做。與。同。解。見。于。前。時莫能聽用。其謀衛尉陰興等。以外戚貴顯。深重衍。遂與交結。由是為諸王所聘請。為司隸從事。光武憊。西京外戚賓客。故皆以法繩之。由此得罪。而歸故郡。閉門自保。不敢與親故通。顯宗即位。又多短衍。以文過其實。遂廢於家。始壞於時。壞。與。坎。同。坎。然。有。大。志。居。常。慷慨。歎。曰。衍。少。事。名。賢。經。歷。顯。位。懷。金。無。紫。也。注云。金。印。印。也。紫。謂。綬。也。揭節奉使。持不求苟得。常有凌雲之志。凌。與。通。三公之貴。千金之富。不聚於懷。注云。聚。猶。層。也。貧而不哀。賤而不恨。猶庶幾名賢之風。脩道德於幽冥之路。幽。冥。人。不。知。之。地。以終身名為後世法。

七

吳志張昭字子布。彭城人。博覽眾書。孫權拜輔吳將軍。昭每朝見。

辭氣壯厲。義形於色。權以公孫淵稱藩。遣張彌許晏至遼東。拜淵為燕王。昭諫不用。稱疾不朝。權恨之。土塞其門。昭又於內以土封之。淵果殺彌。權數慰謝昭。昭固不起。權因出過其門。呼昭。昭辭疾篤。權燒其門。欲以恐之。昭更閉門。權使人滅火。任門良久。昭諸子共扶昭起。權載以還宮。深自克責。克己之私也。昭不得已。然後朝會。昭容貌矜嚴。有威風。莊曰。矜權常曰。孤與張公言。不敢妄也。舉朝憚之。

蘓詔鬼靈

盧充幽婚

三十國春秋曰。中牟令蘓詔卒。後從弟節見詔乘馬晝日而行。著黑介幘。黃絲單衣。幘。鞞髮巾也。貴戚皆服之。文官長耳。武官短耳。謂之介幘。武者短耳。謂之平幘。節因問坐冥之事。詔曰。死者為鬼。俱行天地之中。在人間而不與生者接。顏向卜商今見為修文郎。冥官。修文郎。文郎。死之與生。略無有異。死虛生實。此有異。爾言終而不見。

舊注引孔氏志怪曰。漢盧充。范陽人。家西四十里有崔少府。女。墓充因獵。逐麇。忽見朱門官舍。有人迎充。見崔少府。云。近得公尊府君書。為君娶吾小女。故相邀耳。將書示充。以盧充父之書示之。乃以父手札。充父亡時。雖小。崔乃命女粧飾於東廂。引充相見。成禮。成禮。留三日。臨別。謂充曰。君婦有娠矣。生男。則當還之。贈充衣衾。令車送之。充至家。經三年。三月三日。臨水戲。忽見水上二犢車。短轆車也。一沈乍浮。既達于岸。充視車中。見崔氏與三歲小兒共載。其別車即崔少府也。抱兒還充。及詩一首。金梳一枚。俄而不見。及兒長成。後歷任數郡。

震畏四知

秉去二惑

後漢楊震舉茂才。茂才。陳雷膠漆注。四選。荆州刺史。東萊太守。當之郡。道經昌邑。故所舉荆州茂才王密為昌邑令。謁見。至夜懷金十斤。以遺震。震曰。故人知君。自謂君不知。故人何也。密曰。暮夜無知。

者震曰天知神知我知子知何謂無知密愧而出性公廉不受私
謁子孫蔬食步行故舊或欲令為開產業震不肯曰使後世稱為
清白吏子孫以此遺之不亦厚乎震安帝時為大尉為中常侍樊
豐所譖而卒譖也

附子 楊震

後漢楊秉字叔節震中子也桓帝時為大尉每朝廷有得失輒盡
忠規諫多見納用秉性不飲酒又早喪夫人遂不復娶所在以淳
白稱淳白嘗言曰我有三不惑酒色財也

柳下直道 叔教陰德

論語曰柳下惠為士師三黜也士師獄官人曰子未可以去乎曰直
道而事人焉往而不三黜枉道而事人何必去父母之邦

賈誼新書曰孫叔敖為嬰兒出游而還憂而不食其母問其故泣
而對曰今日吾見兩頭蛇恐去死無日矣母曰今蛇安在曰吾聞
見兩頭蛇者死吾恐他人又見已埋之矣母曰無憂汝不死吾聞

之有陰德者天報以福恐他人又見而人聞之皆喻其為仁也及
為令尹令尹楚上卿執政官未治而國人信之列女傳曰有陰德者陽報之
德勝不祥仁除百禍天之處高聽卑爾必興於楚及長為令尹老
終

張湯巧詆 杜周深刻

九一十傳

前漢張湯杜陵人為廷尉舞文巧詆詆弄也詆誣也其造請諸公師
請云造至請也不避寒暑是以湯雖文深意忌不專平文法也文法
兩不然而得此聲譽而深刻更多為爪牙用者檢鳥之用爪獸之用
牙依於文學之士每朝奏事語國家用日旰天子忘食師古云旰

多晚也論事既丞相取充位天下事皆決湯百姓不安其生騷動縣
官所興縣官謂未獲其利姦吏並侵漁猶言漁獵也於是痛繩以
皇繩謂自公卿以下至庶人咸指湯咸為張湯之所致也後
為御史大夫坐事自殺初湯父為長安丞出湯為兒守舍還鼠盜

肉父怒苦湯湯掘熏得鼠及餘肉效鼠掠治效推窮罪也傳爰書
訊鞠論報師古云傳謂傳速也鞠窮也謂窮之也論報謂上論之
而獲也并取鼠與肉具獄磔堂下師古云具治獄之文父見之視文
辭如老獄吏大驚遂使書獄書謂律令也

三列傳

前漢杜周南陽杜衍人少言重遲師古云遲謂非故疾也而內深次骨李奇
用法深為廷尉其治倣張湯上所欲擠者因而陷之師古云擠上
欲釋久繫待問而微見其寬狀客謂周曰君為天下決平不循三
尺法孟康云以三尺專以人意指為獄周曰三尺安出哉安焉
前主所是著為律後主所是疏為令師古云著謂明表當時為是
何古之法乎後為執金吾逐捕桑弘羊衛皇后昆弟子刻深上以
為盡力無私遷御史大夫兩子夾河為郡守周之家資累巨萬治
皆酷暴唯少子延年行寬厚云

三王尹京 一鮑糾匿

二四列傳

前漢王駿諫大夫吉之子以孝廉為郎成帝欲大用之出為京兆
尹試以政事先是京兆有趙廣漢張敞王尊王章至駿皆有能名
故京師稱曰前有趙張後有三王王尊王章王駿駿終御史大夫章字仲
卿泰山鉅平人遷諫大夫在朝廷名敢直言成帝選為京兆尹時
帝舅王鳳輔政專權會日食章奏封事召見言鳳不可任用宜選
忠賢上不忍退鳳章遂為鳳所陷初章為諸生學長安疾病無被
被寢臥牛衣中師古云牛衣編亂麻為之與妻決涕泣師古云自謂妻呵怒之
曰可責也怒憤也京師尊貴在朝廷誰踰仲卿者今不自激印淳
抗激印激厲乃反涕泣何鄙也後欲上封事言事欲密封事妻又
止之曰人當知足獨不念牛衣中涕泣時邪章曰非女子所知也
書上果下獄死屯非其罪眾庶寬之廣漢敬尊互見於後
後漢鮑永字君長上黨屯留人少有志操事後母至孝妻嘗於母
前叱狗永即去之禮尊者之前不叱狗水建武中為司隸校尉乃

十九列傳

碎扶風鮑恢為都官從事恢亦批直不避強禦強禦強禦強禦強禦帝嘗曰貴戚且斂手避二鮑其見憚如此父宜哀帝時為司隸校尉為王莽所害子昱中元初亦拜司隸校尉章帝時官至大尉

孫康映雪 車胤聚螢

孫氏世錄曰孫康康家貧無油常映雪讀書少小清介堅確不交遊不雜後至御史大夫

晉車胤字武子南平人恭勤不倦博覽多通家貧不常得油夏月則練囊盛數十螢火以照書以夜繼日焉桓温在荊州辟為從事以辭識義理深重之稍遷征西長史征西將軍長史遂顯於朝廷時武子與吳隱之以寒素博學知名于世清儉質素又善於賞會談論集會當時每有盛坐盛坐盛筵也而武子不在皆云無車公不樂終吏部尚書

李充四部 井春五經

晉書李充字弘度江夏人善楷書少參鍾索鍾索鍾索世咸重之褚裒引為參軍充以家貧苦求外出裒將許之為縣試問之試問之充曰窮猿投林豈暇擇木乃除剡縣令後為著作郎時典籍混亂充刪除煩重以類相從分作四部經史子集秘閣以為永制累遷中書侍郎

列傳 三十七

列傳 二六

列傳 三五

後漢井丹字太春扶風郿人少受業大學通五經善談論京師為之語曰五經紛綸井太春後漢書注紛綸猶浩博也性清高未嘗修刺候人建武末沛王輔等五王沛王輔東海王昱楚王英濟南王康淮南王延居北宮皆好賓客吏請丹不能致信陽侯陰就光烈皇后弟也以外戚貴盛乃詭說五王求錢千萬詐約能致丹而別使人要劫之丹不得已既至就故為設麥飯蔥葉之食丹推去之曰以君侯能供甘旨故來相過何其薄乎更置盛饌乃食及就起左右進輦丹笑曰吾聞策駕人車豈此邪坐中皆失色就不得已令去輦自是隱閉不關人事

